



# Wantok



Namba 1927 Julai 28 - Ogas 3, 2011

Niuspepa Bilong Yumi Ol PNG Stret!

K1 tasol

10<sup>†</sup> per sms Citifon to Digicel or Be Mobile Rates

39<sup>†</sup> call/min

1<sup>†</sup> sms Citifon to Citifon rates

2<sup>†</sup> call/min ALL DAY ALL NIGHT

Enjoy straight rates with Citifon

Service is available in all major centres across the country

Call Customer Care 345 6789

© 2011 CITIFON PNG

# Operesen Opim Lewa wok redi long kirap

Nicky Bernard i raitim



OPIM Lewa kam bek gen long dispela yia, planti bilong ol manmeri na pikinini husat gat sik long lewa bilong ol bai kisim operesen taim ol dokta long bikpela haus sik long Pot Mosbi i tokaut long nem bilong ol.

Dispela wik Trinde, olgeta masin na marasin bilong dispela bikpela wok i kam kamap long Pot Mosbi jeneral haus, dispela ol masin na marasin em ol Air Niugini i flaim o kisim long Sydney Australia kam antap long fri tasol, Air Niugini em wanpela long ol bikpela sponsa husat save helpim opim lewa program long 17-pela krismas nau taim dispela wok opim lewa bin kamap.

TNT Cargo em ol lain husat save pekim na stretim gut long go long balus, bikman bilong TNT Cargo Doug Maskelyne, i tok olgeta yia olsave helpim Air Niugini long stretim na pekim kargo bilong opim lewa, em tok tu olsem dispela ol kago em ol bikpela masin bilong mekim gut wok, taim ol save karim ol muvim ol mas was gut long ol dispela samting.

REDI LONG OPIM LEWA: Jeneral Meneja bilong TNT Air Cargo Doug Maskelyne, poklip meneja bilong PNG Motors i karim ol marasin na masin bilong opim lewa operesen go insait long bikpela haus bilong Pot Mosbi. Poto Nicky Bernard.

I go moa long pes 2

**Tok Inglis: Sack Sam and give the acting PM job to Dion - p4**

**Tok Pisin: Rausim Sam na givim ekting PM wok long Dion - p5**



Insten HaiSpid  
Intanet i kamap pinis

Digicel

k99 Tasol

SCAN ME FOR INFO

Call 123: www.digicelpng.com

Digicel broadband

Digicel Broadband data usage will be charged per MB. The Rate per MB on prepaid is 33t during peak (8am to 6pm) and 25t during off peak (6pm to 6am) hours. All new and existing prepaid and postpaid Digicel SIMs are Broadband enabled. To use Digicel Broadband, the handsets and devices must be compatible with UMTS/HSPA and 900MHz GSM frequency bands. 3G Dongles are not compatible on 3G enabled areas. To check your credit balance from Digicel, send a blank text message to 120. Digicel Terms and conditions apply.



## OCEAN BLUE TUNA

*Gutpela abus tru na i no dia tumas!*



# Tiensten tok mani no paul, na midia mas tok stret

**Michael Novingu i raitim**

**BIPELA toktok i stap nau olsem ol prin midia i no save wokim gut wok bilong ol long kisim nius i go aut long ol pipel bilong Papua Niugini long ridim na save long wanem samting i kamap long kantri.**

Memba bilong Pomio na Minista bilong Plening na Rurel Developmen Paul Tiensten i mekim dispela toktok long tunde long amamasim memba bilong Kokopo na Komunikesen na Infomesen Minista Patrick Tamur i kam bek long Kokopo bihain long em i sik

suga na i go stap long Singapo (Singapore).

Tiensten i kros long ol niuspepa olsem Pos Korja i no save kisim gut stori long tupela sait wantaim na sekim gut pastaim long nius i go aut long pablik.

Em i tok, ol prin midia olsem Pos-Korja i no save mekim gut wok bilong ol na i bagarapim gut nem bilong em na kantri tu.

Tiensten i tok, nius bilong Eremas Wartoto i go aut olsem em i rong long kisim K10 milian long gavman long kirapim balus kampani bilong em.

Moa yet em i tok Wartoto i bin bihainim trupela na stretpela rot long kisim mani long

gavman long kirapim bisnis bilong em long helpim gavman long givim servis long pipel bilong Papua Niugini.

"Dispela krismas em i taim bilong implimentesen o karimaut wok long kisim servis i go long ol pipel bilong Papua Niugini. Mipela i bung las wik long askim ekting Praim Minista long wok mipela mekim, tasol niuspepa i tok, K1.9m i lus. Nogat mani i lus, na i stap long tras akaun long karimaut wok long givim servis long ol pipel long Kantri," Tiensten i tok.

Tiensten i singaut long ol prin midia long ol i mas mekim gut wok bilong ol long

sekim, skelim, na balensim ol stori long tupela sait wantaim, pastaim long nius i go aut long pablik long ridim.

Em i tok, K125m bilong wara projek long Kokopo, ol pipel i kamapim politik long en bikos midia i no ripotim stret. Moa yet em i tok K125m memba bilong Kokopo Patrick Oscar Tammur i bihainim trupela na stretpela rot long kisim long givim klinpela wara i go long ol manmeri bilong Kokopo.

Tiensten i singaut long ol pipel bilong em long Pomio long wok-bung wantaim pipel bilong Kokopo na Is Nu Briten long kirapim di-

velopmen long kirapim gutpela sindaun bilong ol manmeri long ol komyuniti bilong ol.

Em i tok, rot long Is Nu Briten i go long Pomio em wokim pinis, na bihain long 3 inap 5-pela krismas welpam

ol i planim pinis bai helpim sindaun bilong ol manmeri bilong Pomio.

Tiensten i singaut long memba bilong Rabaul Dokta Allan Marat, Memba bilong Gazelle Malakai Tabar,

na Gavana bilong Is Nu Briten, Leo Dion long lus tingting long kros long politik long wokbung wantaim Memba bilong Kokopo long kisim developmen i go long pipel bilong Is Nu Briten.

## Simbu Polis awenes tim redi long wok bai-ileksen

**Eric Sinebare i raitim**

MIPELA i laik wok klostu wantaim ol manmeri long kamapim gutpela na stretpela ileksen long dispela Kundiawa Gembogl bai-ileksen we bai nogat gan, pait, birua na planti ol ileksen pasin nogut we save kamap bipo, nau noken kamap gen long dispela bai-ileksen.

"Yupela helpim mipela na mipela helpim yupela long mekim gutpela ron bilong ileksen inap olgeta manmeri i pilim fri na nogat pret long makim lida bilong ol."

Polis ileksen awenes patna Tim Lida Sinia Sajen Nathan Polega i tokim Wantok Niuspepa long dispela wik we taim ol wok redi bilong Kundiawa Gembogl bai-ileksen i wok long kam long arere bilong wok we bai vot long tupela wik taim long mun Agus, 2011.

Sajen Polega i tok, awenes tim wok klostu tru wantaim ileksen opis long Simbu long bringim gutpela tok-save long ol manmeri

long luksave long gutpela toktok bilong gutpela ileksen na skulim ol manmeri long ol sampela we ol i mas mekim na sampela we i no ken mekim long taim bilong ileksen.

Dispela Polis awenes tim tu i go aut long mekim awenes long mekim gutpela edukesen awenes ol manmeri mas noken pret long vot, ol i gat pasin nogut i save kamap long wanwan ples i mas kam klostu wok bung na daunim ol hevi bilong ples long taim bilong vot.

Sajen Polega i tok aut olsem, polis awenes Tim i no laik birua long ol manmeri sapos ol manmeri i birua long Loa em Loa bai birua long ol, na sapos olgeta manmeri i stap na gat gutpela tingting na abrusim ol pasin nogut na kamapim gutpela rot long mekim ileksen mas kamap gut wantaim nogat birua na hevi.

Em tu i tok, "mipela i stap long karim ol wok Loa na Oda wok, em olsem ol manmeri i

soim pasin we i save kamap long olgeta ileksen olgeta taim olsem, paitim ol manmeri nat-ing, posim man long vot, paitim o pretim ol meri long vot, gan soim ol vota na pretim nara-pela pasin em, mas pinis, dispela kain i no save bringim wanpela gutpela samting i kam long bek long ples o komyuniti, em hevi save kamapim planti bagarap na save spolim gutpela sindaun.

Sajen Polega i tok, ol awenes tim i wok klostu long ileksen opis, o wok poroman long bringim gutpela toksave na wok bung pasin insait long elek-sen opis na tok tru long opis i go aut long pablik na i go olgeta long ol manmeri long ronim eleksen. Na tu wankain olsem, olgeta kendidet na sapota tu mas tok-tok gut na wok stret na i no long pasin birua long ol yet long bagarapim ol yet na ol planti gutpela manmeri, Sajen Polega i tok.

## Operesen Opim Lewa i wok long kirap nau

**I kam long pes 1**

Bos man bilong Air Niugini Marketing, Colin Lyttie, i tok dispela masin na marasin tripela kontena bilong bikpela balus save karim olgeta yia kam antap long mekim dispela wok, na taim olgeta wok pinis ol save kisim gen go daun long Australia, em i tok Air Niugini save stap long sait bilong helpim Operesen Opim Lewa na dispela yia em bai 17- yia nau ol stap wantaim ol yet.

Dispela wik opis bilong Operesen

Opim Lewa bai sekim olgeta pepa wok bilong ol sik manmeri na pikinini bilong olgeta provins na bihain bai ol i kolim nem na amas pela manmeri na pikinini bai kisim dispela opere-sen.

Ol 48 dokta bilong Australia bai flai kam antap long Papua Niugini o Pot Mosbi long dispela Sarere na wok kirap bilong operesen bai stat long Mande.

## Comrade Trustee Services Limited

TRUSTEE FOR THE DEFENCE FORCE RETIREMENT BENEFIT FUND

### Toksave

Comrade Trustee Services Limited i laik toksave long ol dispela meri husatol man bilong ol i dai pinis na nem bilong ol mipela makim tamblo long sekim opis bilong mipela long sampela toksave bilong yupela. Sapos yu save long dispela ol meri, plis toksave long ol long wankain toktok antap.

No.	Nem bilong ol wido	Nem bilong ol memba dai pinis	Renk	Sevis #
1	Nancy Jimmy	Jimmy Ambrose	Private	898179
2	Avis. T. Mina	Fred Mina	Corporal	810383
3	Mary Bani	Bani Bani	Lance Corporal	811235
4	Lucy Pyaon	Patrick Pyaon	Private	812394
5	Carolyn Tino	Turuka Peter Yaubel	Captain	89724
6	Kathy Baeo	Iko Kore	Corporal	810193
7	Paruru Kukuma	Boniface Kukuma	Lance Corporal	812005
8	Aima Value	Henry Value	Lance Corporal	864137
9	Betty Onu Gorogo	Rocky Onu	Sergeant	89466
10	Joyce Walewafi	John Walewafi	Private	811947
11	Josephine Sine	Gaima Sine	Corporal	810588
12	Brenda Siki	Dick Siki	Captain	811634
13	Concillia Dusty	Anamp Dusty	Private	812077
14	Rufina Nio Kanuba	Harry Nio	Lance Corporal	89294
15	Janet Mukale	John Garen Mukale	Corporal	811856
16	Jacklyn Maburau/Stanis Tibong	Bernard Maburau	Major	89037
17	Helen Anuma	John Anuma	Corporal	89632
18	Nellie Konimor	Jethro Konimor	Private	811866
19	Rose Wartovo	Oscar Wartovo	Corporal	811750
20	Gorothy Moepe	Billy Moepe	Corporal	810221
21	Pala Augustine	Raphael Augustine	Corporal	810997
22	Feda Samala	Gene Samala	Private	812473
23	Shirley Bogaya	Albert Bogaya	Private	812275
24	Jennifer Abel	Clark Abel	Lance Corporal	810846
25	Anna Turbat	David Turbat	Lance Corporal	810759

Long save moa, sekim Member Services opis long telefon: 320 3455 o tol fri namba: 180 1007, mobail: 723 70548 o feks: 321 5840/ 320 1710 o emel; [MemberServices@ctsl.com.pg](mailto:MemberServices@ctsl.com.pg) o yu ken kam long opis long Defens Haus, daun taun, Mosbi.

Tok orait i kam long ol bikman bilong Comrade Trustee Service LTD.



TINGIM PAITMAN: Rimembarens de em taim yumi save tingim ol paitman husat i pait long woa bipo. Long Sarere wik i go pinis, ol disaplin fos i mas Ela Nambis long Pot Mosbi long long tingim dispela de. Ol ami, polis na woda long Mosbi bin namba wantaim ol mas long longpela rot. *Poto Nicky Bernard.*

# Paip bilong karim pipia bai wok – Jas tok i nonap pasim

Pater Phillip Gibbs, SVD i raitim

BIKPELA paip bihainim rot long ples Ramu i go long Madang, we nau i stap nating, bai stat wok nau bihainim long wanpela jas long Nesenel Kot long Madang i bin tok olsem kampani i ken opim paip na ol man i no inap pasim kampani long salim pipia bilong main i go long solwara.

Jastis David Cannings i bin tok olsem man bilong ples i bin tok tru olsem rabis o pipia i go long solwara em inap long bagarapim nambis bilong ol, na em inap givim hevi long ol manmeri bilong nam-

bis, na tu, salim man rabis i go long solwara i no bihainim Mama Loa bilong kantri.

Tasol Jas Cannings i no inap pasim kampani long wanem PNG gavman i bin givim tok orait pinis long kampani, na tu, ol man bilong ples i let tumas bilong wanem kampani i bin lusim bikpela mani pinis long wokim main.

Sapos kot i tok nogat nau, em i bagarapim tingting bilong ol arapela kampani i laik kam wok long PNG. Olsem na ol i noken pasim Ramu Nikel long yusim paip na kampani i ken stat long tromoi main pipia i go long solwara long Madang.



Paip bilong karim main pipia i go long solwara.

# Basil tok lukaut long opim bek asailam sika senta long Manus

DEPUTI lida bilong Oposisen, na Memba bilong Bulolo, Sam Basil, i tok lukaut long opim bek bilong asailam sika prosesing senta long Manus.

Em i tok ol bikpela atoriti olsem kastoms, polis, Pot Sevises na imigresen i nogat inap strong na wokmanmeri long was gut long ol banis bilong kantri, na i gat ripot pinis long ol manmeri bilong ol arapela kantri i save kam na lus long ol bus bilong yumi.

“Kantri bilong yumi nogat gutpela banis, na

sapos mipela i tok orait long kisim ol asailam sika i kam, i gat sans long ol i ken ronawe nating na hait long ol busples bilong yumi,” Mista Basil i tok.

Em i tok i mobeta gavman bilong Australia na PNG i toktok gut long olgeta hevi na birua i ken kamap, pasitaim long ol tok oraitim opim bilong Manus asailam sika senta.

“Laspela samting Australia na PNG i nidim em long opim rot bilong ol teroris man, o man i save hait na salim gan na drag o ol

manmeri i kam na sindaun long Papua Niugini,” em i tok.

Em i tok olsem i tru Manus na ol arapela bisnis long kantri bai kisim liklik winmani long en, na tu, em bai strongim pasin poroman namel long tupela kantri, tasol “mi no save watpo Australia i no laik yusim graun bilong em yet, wantaim strongpela polis fos, ami na nevi fos bilong em long prosesim ol asailam sika. Bikos ol dispela lain i laik go insait long Australia, na i no PNG.”

# KIKSTATIM DEI WANTAIM

# Sack Sam and give the acting PM job to Leo



tional interest groups, the effect of which might spill over into each household in the electorates causing political and social unrest culminating in a bigger problem of law and order during the coming national elections. The Party Executives and Abal must be mindful that at the end of the day, Don must be compensated for his loss of face.

To get Don to come to the party he must be reinstated and the same must apply to William Duma. This is a face-saving device for everybody, but the larger picture is that the status quo is restored to allow the institution of State to move back into gear to assist the machinery of government to get back to work. That would create a level playing field for everybody in preparation for the coming national elections.

(3) The Party Executives must not use their internal management rule as the decisive or the determining factor when faced with a bigger problem at the national level, calling for immediate action at that super level. Simon and Stephen cannot tell the nation to wait while they move behind closed doors to squabble over the issue of party leadership at the regional level and spilling over into the national level.

The issue is as clear as mud that the whole question of who will be our next PM has long been solved by Sir Michael before he left for Singapore. The practical effect of Sir Michael's decision to appoint Abal as the Acting PM is that the Office of the PM is not vacant, but occupied by Abal who has been vested with all the powers of that Office to perform the functions of the PM.

However, at that superficial legal level, one might argue that with Sir Michael not returning to power, there is, at law, a vacancy in that Office calling for a substantive appointment.

The most obvious response would be that at any rate that suggestion is more in the nature of a legal fiction highlighting the necessity for moving the incumbent a further step up the ladder into that office. Obviously there is no bar to anybody else nominating for the post of the PM, but if the decision has already been made elsewhere (as is the case here), then the process for nomination and appointment may be considered a foregone conclusion. The big question, however, is: Can the NA Party contain Don, and if so, how?

Yes, the Party may support Don, but Don does not have the magic wand. All the Highlands MPs do not support Don but the Momase, the Southern MPs with the NGL MPs appear to be keeping a watching brief. How does one pull the rug under Abal's feet?

AND at the regional electorate level, Abal is not wanted with the grassroots still supporting Don.

Even at the party level Abal is considered a party delinquent having openly waged war on Don simply to protect his personal interest in the post of the Acting PM. Abal's bad conduct in trying to protect his personal interests by sacking Don has misfired and now he is doing a fair bit of back-paddling. This shows clearly that he is not a suitable candidate for the high post of the PM.

He seems far too immature for the job.

Abal was clearly wrong to sack Don. And NA looked at it as creating a destabilizing effect on the party to the extent that it was also considered undermining the party position to protect his personal political interest.

BUT, how does one make of the charge by Abal that Don was sacked for insubordination? Clearly, Don was pushing the party line by his insinuation that Abal, not being the Highlands Party Leader, did not have the necessary credentials to qualify for the position of the Acting PM. And this is a valid point to be raised internally as a party matter for NA, but Don would not be allowed to use that as an excuse at the national level to undermine Don's status as the duly appointed Acting PM.

That being the case, both Don and Abal should have retired to the NA conference room to work out their differences, instead of moving onto the national scene to solve their internal party spat.

In fact, the problem may lie squarely with the national executives of NA, who ought to have moved into gear to contain the problem when it first arose with the appointment of Abal as the Acting PM by Sir Michael. However, both Kaiwi and Pokawin sat idle and watched the problem escalating and spilling over and onto the national scene. And when they moved in and tried to piece it together, the problem was no longer an internal party matter; the problem had compounded to maintain its own momentum and became a national problem.

These two gentlemen in their wisdom, decided to entertain the move by NA Enga to sack Abal, citing his conduct in warding off Don (against the Office of the PM) as grounds for upholding the purported sacking by the Engans, stating that such conduct amounted to destabilizing the party. This action by Kaiwi and Pokawin was not only self defeating and unlikely to solve the problem, but it was more like adding fuel to fire.

However, again for argument sake, let us assume that when the time comes and Don nominates for that Office and when put to the vote in Parliament, the Opposition, plus some backbenchers, side with Don and he wins the post. That would be some event worth talking about.

Then imagine Don moving in and sacking Abal and all the ministers and appoints a new cabinet comprising government backbenchers and members of the Opposition who supported him including

the Leader of the Opposition who is appointed the Deputy Prime Minister.

Well, if this happens, then NA can only blame itself for allowing its internal problems to spill over onto the national scene.

At the end of the day, what is rather surprising about this power game is that both these gentlemen, Abal and Don, are Engans to start with. Then they are both NA members. Thus, the nation is wondering if these two factors alone are not sufficient to get these two warriors together to solve the problem so that the nation can move on to deal with national issues like sacking Paul Tiensten and Ruby Zarriga for squandering public funds to the tune of K1.9 billion.

And then, we are now told that all of a sudden the Chief is back on his two feet and "responding well" in answering questions put to him by his doctors. OK, what is all this about? Will people stop speaking in riddles and tell us what exactly is now being proposed with the information that the Chief is well. Does that mean that the Chief is coming back to his old job? And if that is now the trend developing, then what happened to the announcement by the Somare family that they had decided to take the Chief off the political scene? Is that promise to the nation now being discarded, and if so, why would that be?

Well, the kitchen cabinet's political wheeling and dealing has finally driven itself into hot water. With Arthur and Pruaitch dangling on their ropes like mountain climbers, the political scene is no longer conducive for an easy transition of one of their members to walk into the job of the PM.

Abal and Don are fighting the kind of battle which was cooking up between Arthur and Pruaitch for the leadership of the Momase NA.

Like we said just recently, Arthur wanted the nomination in Kokopo for the NA job of a Momase Deputy, but the Chief wanted Pruaitch to take on the job which he did. And yet all along Arthur had been keeping a watch over that position and would have picked it up if he had not been charged for a series of leadership code breaches.

Thus, had Arthur been the Momase Deputy when the Chief was going into the hospital, Arthur would have "appointed himself" the Acting PM. Nobody in his right mind would doubt this that the Chief would have simply gone along with that given his health conditions. But somehow there is something happening behind the scene. We should know that within the next 14 days.

We hear that both Abal and Don will be pulled off the scene and somebody totally different will be appointed. You can bet your last kina that it will not be Paul Tiensten for sure.

Right now Paul Tiensten and Ruby Zarriga are wearing soiled nappies 1.9 billion miles long.



## Bougainville Opens up to Census

THE conduct of the 2011 National Population and Housing Census has surfaced a shift in the mindset of Bougainvilleans towards development, as they embrace autonomy.

One clear demonstration of that is accessibility to parts of the island which had been "no go" zones as a result of the Bougainville Conflict.

During the enumeration, interviewers and supervisors were allowed into Panguna, Arawa and Kieta and a number of other areas to conduct the census without hindrances and questions.

Until then they were out of bound to outsiders, including the 2000 National Population and Housing Census where workers were denied access.

This is a marked turn-a-round, where suspicion and or rejection would normally await National Government workers in all no go parts of Bougainville.

In this case, Census workers were given clear passage into all Local Level Governments (LLGs) to conduct the Census where all the people were said to be supportive and cooperative.

This was the freshening welcome news for the Director of the National Census, Hajily Kele, when she flew to Bougainville last week to access the Census operations.

Mrs. Kele was the Provincial Census Coordinator for Bougainville in the 2000 National Population Census.

After meeting with officials on the ground, she attributed two reasons for the new level of openness.

One is the relationship by all Bougainvilleans of the significance of the Census data in the overall planning for an autonomous Bougainville.

The second supportive factor is the wider publicity initiatives carried out on the ground by the Provincial Census Co-ordinator, Mr. Joseph Jeraha.

Bougainville is now mopping-up, confirming and reconfirming that all households in the LLGs have been covered.

Mop-up operations are also underway in many other parts of the country as reports reaching the National Census Office (NSO) in Port Moresby indicate an encouraging outcome of this Census.

Mrs. Hajily said 94% of training and enumerations have been completed in all the 334 LLGs of PNG.

This is despite a few hiccups with accessibility, given the remoteness of some parts of the country and slow accounting procedures for allowances.

These are inevitable in an event as massive as the National Census, though they are being addressed.

Deputy Census Director, Mr. Boe Doura, said everyone in Papua New Guinea will be counted and also assured workers that what is owed to them will eventually be paid.

This week, NSO is concentrating on getting materials and workers into at least eight (8) remote and difficult areas, five are in the Sandaun Province, two in Gulf and one in the Morobe Province.

It is anticipated that all of them will be covered by the end of the week.

If you have any queries please ring the following toll free numbers: 180 2055, 180 2036, 180 2093.

"COUNT ME IN AND PLAN FOR ME"



**Bogenvil opim dua long Senses**

KAMAP bilong 2011 Nesenel Populesen na Hausing Senses i kamapim senis long tingting bilong ol pipel bilong Bogenvil long developmen na rot i go painim atonomi.

Wanpela klia piksa em rot i go long ol arapela hap bilong ailan we bipo ol em ol ples 'tambu bihainim bikpela pait long Bogenvil.

Long taim bilong kaunim, ol intaviu manmeri na supavaisa i bin go insait long Panguna, Arawa na Kieta na sampela ol arapela eria long kari-maut wok senses we i nogat banis na askim kros.

Bipo long en, em i tambu long ol ausait man i go insait. Wantaim tu 2000 Nesenel Populesen na Hausing Senses we ol wokman i no bin nap go insait.

Dispela em i bikpela senis tru, we hait tingting o tingting tambu i bin wetim ol nesenel gavman wokman long olgeta hap long Bogenvil.

Long dispela sait, ol Senses wokman i bin gat klia rot i go insait long olgeta Lokol Level Gavman (LLG) long karimaut wok senses we olgeta pipel i bin orait na amamas tasol.

Dispela i gutpela nius tru long Dairekta bilong Nesenel Senses, Hajily Kele, taim em i flai i go long Bogenvil las wik long sekim wok Senses.

Misis Kele i bin Provinsal Senses Kodineta bilong Bogenvil long 2000 Nesenel Populesen Senses.

Bihain long em i bung wantaim ol opisal long graun, em i autim tupela as long ol nupela tingting i stap.

Wanpela em pasin olgeta Bogenvil pipel i gat long bikpela luksave bilong ol namba na stori bilong Senses insait long olgeta wok plening bilong Otonomas Rijen bilong Bogenvil.

Namba tu em moa wok awenes i go aut long stia bilong Provinsal Senses Kodineta, Joseph Jeraha.

Bogenvil nau i wok long klinap, sekim na stretim stori em i gat long olgeta hauslain insait long ol LLG.

Wok mop ap i go het nau long planti ol arapela hap bilong kantri we Nesenel Senses Opis (NSO) long Pot Mosbi i wok kisim na i tok em i gutpela wok kamap tru.

Misis Hajily i tok 94% bilong trening na wok kaunim i pinis insait long olgeta 334 LLG bilong PNG.

Maski i gat sampela ol hevi i kamap long rot i go long ol liklik longwe ples, na isi isi kaunim rot bilong kisim ol alawens.

Dispela ol samting i save kamap long kain bikpela wok olsem Nesenel Senses, tasol olgeta dispela samting i wok kisim stretim nau.

Deputi Senses Dairekta Boe Doura, i tok olgeta manmeri long Papua New Guinea bai ol i kaunim na ol wokman i mekim dispela wok bai kisim pe bilong ol.

Dispela wik, NSO i lukluk long kisim ol matriel na wokman i go long etpela busples em faivpela long Sandaun provins, tupela long Galp, na wanpela long Morobe.

Olgeta bai pinisim wok kaunim long ol long pinis bilong dispela wik.

Sapos yu gat askim, plis ringim ol dispela fri namba: 180 2055, 180 2036, 180 2093.

**"KAUNIM MI NA PLEN BILONG MI"**

# Rausim Sam na givim ekting PM wok long Dion

**D**ISPELA taim nogut i stap nau insait long Nesenel Alaiens (NA) kem i wanpela piksa long gridi pasin bilong wan wan long laikim politik-piksa pawa, olgeta winmani na nem bilong bikman i go wantaim.



wan gutpela rot long stretim, tasol politik sanap i olsem dispela kros namel long Don na Sam i bikpela moa, na i brukim pinis Hailans grup. Dispela i ken kalap i go long ol hauslain insait long ilektoret, na kamapim moa hevi long loa na oda long taim bilong ileksen. Ol pati eksekutiv na Abal i mas tingim olsem Don i lusim bikpela hap nem liklik, na em i mas gat kom-pensesen.

Long pulim Don i kam bek long pati, em i mas kisim bek wok na wankain i mas kamap long William Duma. Dispela em i wanpela wok bilong strongim bek nem bilong man, bai gavman i ken go het long mekim wok. Dispela bai stretim fil bilong olgeta i redi long resis insait long ileksen i kam klostu.

(3) Ol pati eksekutiv i noken yusim intenat menesmen stia bilong ol olsem wanpela samting bilong stiaim ol bikpela hevi long nesenel level, we ol i laikim eksen long en. Simon na Stephen i no inap tokim kantri long wet pastaim inap ol i hait na tokpait long husat bai lida bilong pati long rijenal level i go long nesenel level.

Em i no klia tumas taim askim long husat bai kamap PM gen we sampela i tok Sir Michael yet i bin makim pastaim long em i go long Singapo. Disisen bilong em long makim Abal olsem Ekt-ting PM i mekim opis bilong PM i gat man i stap mekim wok. Abal i holim olgeta pawa bilong opis long mekim wok bilong PM.

Tasol long sait bilong tok-pait bilong loa, wanpela i ken tok olsem Sir Michael i no moa kam bek long pawa, long loa, i gat spes i stap long opis na i nidim wanpela apoinmen bilong en.

Namba wan bekim em bai olsem dispela i nogat nid long kalap i go antap long dispela opis.

I nogat wanpela banis long pasim ol arapela long kisim nominesen long wok PM, tasol sapos disisen i kamap pinis long narapela hap (olsem mipela i tok long hia), orait, wok bilong nominesen na apoinmen em i klia.

Bikpela askim nau em: NA Pati i ken daunim gut Don? Na sapos ol i ken, orait, bai olsem wanem?

I tru, pati i ken sapotim Don, tasol Don i nogat dispela mejik diwai. Olgeta Hailans MP i no sapotim Don, tasol ol Momase, Sauten na NGI memba i

wok long was i stap. Bai yu rausim lek bilong Abal olsem wanem? Na long rije-nal level, Abal i nogat nem, we planti grasruts i sapotim Don yet.

Long pati level yet, Abal em i olsem wanpela liklik bikhet mangi, bikos em i kros pait wantaim Don na rausim em bai rot i go long Ekting PM i klia. Pasin bilong em long traime banisim sindaun bilong em yet na rausim Don i popaia na nau em i wok long go bek isi isi.

Dispela i soim klia olsem em i no fit long holim wok PM. Tingting na save bilong em i liklik yet.

Abal i asua tru long sekim Don. Na NA nau i lukluk long meknaisim pati we nau i wok long bagarapim tingting bilong pati, na em i lukluk tasol long politiks sindaun bilong em.

Tasol, olsem wanem long sas Abal i givim olsem Don i lusim wok long insabodinesen? I klia olsem Don i wok long pusim strong astingting bilong pati, taim em i tok olsem Abal i no Hailans pati lida, na i nogat inap save long kwalifai long wok bilong Ekting PM.

Na dispela em i wanpela klia poin bilong kamap olsem wanpela pati wok bilong NA, tasol Don i no inap yusim dispela long nesenel level long daunim strong bilong Don olsem Ekting PM, bihainim makim bilong pati yet.

Orait, Don na Abal wantaim i mas lus i go long NA kofrens rum long stretim hevi bilong ol, na i no long go aut long pablik long stretim kros pait bilong tupela.

Asua i mas stap yet wantaim ol nesenel eksekutiv bilong NA, husat i mas go het pas na daunim hevi taim Sir Michael i makim Abal olsem Ekting PM. Kaiwai na Pokawin wantaim i sindaun tasol na lukim hevi i go bikpela tru na i go aut long pablik. Na taim ol i laik go insait na stretim gut, hevi i no moa stap long banis bilong pati tasol; hevi i kamap long spid na strong bilong em yet.

Dispela tupela man, long save bilong tupela, i bin wanbel tasol long NA Enga i sekim Abal, na tok olsem pasin em i mekim long rausim Don i no gutpela bikos em i ken bagarapim pati. Dispela pasin bilong Kaiwai na Pokawin i no stretim wanpela hevi.

Orait, yumi tingting pastaim, sapos taim i kamap we Don i nominet long opis bilong PM, na taim vot i kamap long palamen, Oposisen, wantaim sampela ol bekbensa, i ken sanap wantaim Don na em i winim posisen. Em bai bikpela stori tru i stap.

Orait, tingim sapos Don i muv i go insait na rausim Abal na olgeta minista na makim wanpela nupela kabinet i gat ol gavman bekbensa na memba bilong

Oposisen husat i sapotim em wantaim Lida bilong Oposisen husat i kisim wok Deputi Praim Minista.

Sapos dispela i kamap, orait, NA yet i asua long larim ol hevi bilong pati i kamaut long pablik.

Dispela tupela man wantaim i bilong Enga, na tupela wantaim em ol memba bilong NA. Kantri i tingting planti watpo dispela tupela samting yet i no inap long stretim birua namel long tupela, bai ol i ken go het na stretim ol wok olsem rausim Paul Tiensten na Ruby Zarriga bikos ol i paulim pinis K1.9 bilian long mani bilong pablik.

Na nau mipela i harim olsem Chief i sanap long tupela lek bilong em gen, na i wok long "bekim tok gut" long ol dokta bilong en. Orait, em i olsem wanem? Inap ol wasman bilong em i maski tromoi kain kain paul tokpisin nabaut na tok stret? Chief bai kambek long olpela wok bilong em o nogat? Na sapos i olsem, orait, olsem wanem long toksave i kam long Somare famili olsem em bai no inap moa wok politiks? Dispela tok promis long kantri nau i pundaun long sait? Na sapos em i olsem, watpo na i olsem?

I luk olsem kain politik pasin bilong hauskuk kabinet i wok long bungim birua nau. Arthur na Pruaitch i wok long hangamap long rop olsem ol man bilong kalapim maunten. Politik sindaun i no moa gutpela long senisim wanpela bilong ol i go insait long wok bilong PM.

Abal na Don i wok long pait wankain olsem pait namel long Arthur na Patrick long lidasip bilong Momase NA.

Olsem mipela i tok i no long taim i go pinis, Arthur i laikim nominesen long Kokopo long NA wok bilong Momase deputi, tasol Chief i laikim Pruaitch long kisim dispela wok, na em i givim em. Arthur i no wanbel long dispela na i wok long was long posisen ya i stap. Sapos em i no kisim sas long lidasip koud asua, ating em i kisim pinis.

Sapos Arthur i bin Momase deputi, na Chief i go long haus sik, Arthur bai 'makim em yet' olsem ekting PM. Nogat wanpela manmeri bai tingting planti long en, bikos Chief i sik nogut tru. Tasol nau i gat samting i wok long kamap yet. Ating tupela wik i kam bai yumi lukim.

Mipela i harim olsem Abal na Don, em bai ol i rausim ol na narapela bai kisim ples. Yu save, em bai no inap Paul Tiensten.

Nau yet Paul Tiensten na Ruby Zarriga i wok long werim nepi i pulap tru long pekpek. Dispela nepi tupela i werim, longpela bilong en em 1.9 bilian mail longpela.



# BOMANA WOA MATMAT

Tingim ol soldia lain bilong Australia na ol poroman husat i bin pait long lukautim PNG na rijen long birua. Foto: Australia Hai Komisn Midia

## Australia na PNG bai skruim wok pren

AUSTRALIA na PNG bai skruim wok pren na bung wantaim na dispela i stap long ples klia long wok bung namel long ol long ol wok difens olsem stretijik plening na ol join eksasais.

Sekreteri bilong Difens long Palamen bilong Australia, Seneta David Feeney, i bin tok olsem long Pot Mosbi long wiken we em bin kam long 4-pela de wokabaut bilong long kantri.

Seneta Feeney i bin bungim ol gavman na difens fos lida long toktok long wok bung namel long PNG Difens Fos na Difens Fos bilong Australia.

Difens progrem we Difens

Fos bilong Australia i gat wantaim PNGDF em i bikpela tru winim ol narapela we Australia i gat na em i gat baset long manimak inap long K25 milion long dispela yia.

“Australia na PNG em ol i gutpela poroman long longpela taim na dispela i kamaut long ples klia long ol wok pren namel long tupela kantri long ol samt-ing i sut long difens i stat long stretijik plening i go long ol join eksasais.

“Bai mipela i go het long bildim ol difens wok wantaim long spirit bilong “mateship” o gutpela poroman i bin mak long wok pren bilong mipela stat yet

long ol sakrifais long Wol Woa 2,” Seneta Feeney i tok.

Australia i save wok wantaim PNG long sampela projek i gat long em ol wok long developim ol rot na bris, maritaim na boda sekyuriti.

PNGDF na Difens Fos bilong Australia i save mekim ol wok eksasais na ol trening wantaim na dispela i karamapim Eksasais wantok Waria i gat long em trening long infenteri, enjiniring, roteri wing na lojistik.

Seneta Feeney i bin toktok long difens koporesen na Midium Tem Developmen Plen bilong PNG wantaim PNG

Difens Minista, Bob Dadae, na Nesenel Plening na Rurel Developmen Minista, Paul Tiensten.

Taim em i toktok wantaim bos bilong PNG ami, Brigadia Jenerel Francis Agwi na tu, Foren Afeas Sekreteri, Lucy Bogari, Seneta Feeney i tok Australia bai go het na sapotim laik bilong PNG long stat wok long intanesenel pis kiping fos ovasis.

Seneta Feeney i bin bung tu wantaim ol sinia bikman bilong Dipatmen bilong Praim Minista, Difens, Fainens, Treseri, Polis na toktok long ol wokbung long fanding na developmen modol.

Bikman ya i bin stap tu long Rimembrens de selebren na em bin putim ol lei flawa long memorel sevis i bin kamap long Ela Bis long las Sarere.

Long wanpela seremoni i bin kamap long Bomana Woa Semetri long Sande, Seneta Feeney bin prisanim ol medal i go long 13-pela Fuzzy Wuzzy Angelo na ol famili bilong ol.

“Strong na pasin sori bilong ol Fuzzy Wuzzy Angelo i bin sevimn laip bilong planti laip long Wol Woa 11. Ol Angelo i makim kain spirit we i stap long lewa bilong mipela stret long Australia,” Seneta Feeney i bin tok.

## Pasto Kevin bai wok long Vanimo

Pasto Gendi Mui i raitim

EVANJELIKEL Luteran Sios bilong PNG (ELC-PNG) Evanjelisim dipatmen i bin go pas long ogenaisim wanpela liklik bung lotu bilong salim wanpela pasto i go wok long Luteran Sios long Vanimo na Niakono boda wok misin eria.

Sios i bin hostim wanpela liklik bung lotu bilong salim Pasto Kevin Tetac i go long wok pasto long Vanimo. Dispela i bihainim wanpela singaut bilong sios long Vanimo olsem i gat nid bilong wokman i stap. Ol het manmeri i bin wanbel na salim singaut i kam long Seplin na Misin Desk bilong Evenjelisim dipatment olsem ol i bin nogat pasto longpela taim pinis.

Luteran Sios long Vanimo tu, i luksave na wanbel long kisim Pasto Kevin Tetac long yia 2010. Tasol wok bilong stretim rot na salim pasto i go i bin kisim sampela taim inap nau. Long dispela lotu bung bilong salim wokman,



Pasto Kevin Tetac, bilong ELC Yabim Distrik husat bai go long Vanimo.

sios i mekim dispela wok long blesim na salim Pasto Kevin i go. Long dispela bung, em bin nambawan taim bilong sios long wanpela meri tiolojen em, Cathy Mui, i bin go pas long wok lituji na autim Tok bilong strongim na salim pasto i go long wok misin.

Ol lain husat i kam bung lotu na witnesim em, Ekting Evenjelisim dipatmen het,,Fain

Mileng, Darekta bilong Seplens na Misin desk, Reveren Timothy Luke; kongrigesen pasto bilong Pasto Kevin yet, Reveren Dokta Zirayuki Kemung na misis bilong em; Misis Lakele Tetac, Nesenol Darekta bilong ELC meri na misis bilong Pasto Kevin, na planti arapela opisa i kam long Ampo na ol wanwok pasto na famili na ol pren bilong Pasto Kevin.

Saplen na Misin desk dairekta, Reveren Timothy Luke i tok i gat bikpela salens bilong wok misin i stap long Vanimo na Niakono boda misin eria.

Olsem na em i tok, “Long salim Pasto Kevin long singaut bilong sios i go long Vanimo, yumi bihainim wankain stia tok Nuendettelsau Missin desk long Jemani i bin mekim taim ol i salim Johannes Flierl i kam long Papua NiuGini long 1886, ‘Salim em i go hariap na noken mekim nois’”

Na Mista Mileng, i strongim Pasto Kevin long nupela wok em

i kisim na tromoi salens i go long em.

“Wok em bikpela tasol taim yu mekim gut wok long Vanimo, gutpela ripot na blesing bai i kam long yu na famili, na dipatmen na Sios olgeta,”. Mista Mileng i tok

Long dispela taim tu, kongrigesen,, Reveren Dokta. Kemung i tok long sios i mas go het long salim wok man i go long nupela wokmisiin eria na mas stap redi long sapotim ol wok pasto tu.

“Ol hevi ripot bilong ol pasto i kam long wok misin eria na i go long dipatment em mas go daun long ol Kristen bilip manmeri, na ol i ken save na givim sapot long prea na mani - kago samting bilong strongim wok misin,” Dokta Kemung i tok.

Long pasin bilong salim wok nau insait long sios, em i bihainim tok bilong Jisas yet long Matyu 28:18-20.”

Na Dokta Kemung i tok tu olsem, em bai amamas tru sapos sios i ken inapim tok bilong Jisas i stap long Matyu

28:10, na kamapim meri pasto na salim ol i go long singaut o wok misin wankain olsem ol man pasto.

Nau yet, Evanjelikol Luteran Sios i no luksave yet long wok meri pasto, maski sios i greduetim sampela meri pinis long ol seminari bilong en.

Pasto Kevin bai stap long Vanimo Luteran Sios inap wanpela yia na stretim, strongim na bildim dispela sios.

Bihain em bai muv i go long wanpela nupela wok misin eria bilong sios long Niakono boda eria, klostu long Vanimo tu. Misin wok fokus long Niakono em long bungim, autim Gutnius na strongim sios long sanap strong long bilip.

Misis Lakele Tetac na ol pikini-bai bai stap yet long Ampo na pinisim tem bilong wok bilong em long dispela yia. Na bihain ol bai go stap olgeta wantaim Pasto Kevin long Vanimo na sapotim em long dispela nupela singaut na wok.

# Kase em nupela helt sekreteri

## NESENEL Helt Dipatmen i gat nupela sekreteri.

Man ya em Pasoe Kase husat i wok wantaim Helt Dipatmen moa long 20 krismas.

Helt na HIV na AIDS Minista, Sasa Zibe, i tokaut long makim bilong Mista Kase olsem Helt sekreteri long dispela wik.

Mista Kase i kisim ples bilong Dokta

Clement Malau, husat i pinis long holim wok olsem helt Sekreteri bikos kontrak bilong em i pinis tupela wik i go pinis.

Mista Kase bilong Wes Nu Briten em i wanpela ligel opisa na i bin holim ol bikpela wok wantaim Helt Dipatmen insait long 23 yia em i wok wantaim dipatmen.

Sampela ol wok we Mista Kase i bin holim em, deputi sekreteri Polisi na Edministresen, wok wantaim ol narapela bikman bilong Helt Dipatmen long kamapim 2011-2020 Nesenel Helt Plen na planti moa long ol yia pastaim na menesa bilong Kapasiti Bilding Sevis Projek we AUSAID i fanding long em.

Long ol narapela helt nius, Mista Zibe, i tok-tok strong olsem i mas gat ol ol asples PNG lain i menesa long helt dipatmen na tu, long ol narapela gavman dipatmen.

Mista Zibe i tok i mas gat ol gutpela kwalifaid PNG menesa i ken mekim ol gutpela disisen long ol eria we ol i lukautim.



## ROT BILON KAR O MAN?

Lae we ol i save kolim tu olsem Pothot siti, i gat gutpela senis i wok long kamap we ol kampani wokman na masin i wok long stretim ol rot. Tasol long sampela strits, ol pothol i stap yet na i go nogut. Ol kar i save lusim rot bilong ol na tek ova long rot bilong ol man. Long Eriku ovahet bris, ol kar i lusim rot bilong ol na tek ova long rot bilong ol man. Piksa ya soim bas em ron long nupela 'rot' ol yet kamapim. **(Stori na Piksa: Ps Gendi Mui)**

## ARB i gat ai Visen Senta

OL LAIN long Bogenvil o Otonomes Rijen bilong Bogenvil (ARB) i gat sik o hevi long ai i no inap long go longwe bikos nau ol bai gat ai klinik bilong ol yet.

Long tumora Fraide, PNG Ai Kea (PNG Eye Care) bai opim Visen Senta (Vision Centre) long Buka.

Operesen Menesa bilong PNG Ai Kea, Eileen Tugum, i tok tupela pipel bai wok long Visen Senta long Buka husat bai testim na givim ol aiglas i go long ol manmeri na pikinini husat i laikim dispela sevis.

Mis Tugum i tok Buka Jenerel Haus sik i nogat klinik bilong ai na ol manmeri husat i nidim ol aiglas i save go long Callan Sevis o baim bikpela balus tiket i go long Rabaul, Lae na Mosbi long kisim ai kea sevis.

Minista bilong Helt long Otonomes Bogenvil Gavman (ABG), Patrick Nisiria bai opim dispela nupela Ai Kea senta.

Mis Tugum na ol lain bilong em

long PNG Ai Kea i lusim Mosbi tude na kisim balus i go long Buka long redim ol samting bilong dispela opening tumora.

PNG Ai Kea (PNGEC) em i wanpela asples non gavman ogenaiesen ol bin kirapim long yia 2008.

As tingting i bilong kamapim ol aiglas we pipel inap long baim na tu, givim gutpela kwaliti ai kea o lukautim ai long ol pipel bilong PNG na helpim abrusim pipel i go aipas long dispela sevis we bai kamapim gut kwaliti bilong laip, wok na skul.

PNG Ai Kea i gat ol Visen senta long Mosbi, Hagen na Lae.

Oi Visen Senta i save wok bung wantaim ol haus sik na ol i save wok wantaim ol helt kea senta sistem.

PNG Ai Kea bai opim tripela moa Visen Senta long Rabaul, Mendi na dispela nau long Buka pastaim dispela yia i pinis.

**The Fastest Way to Send Money is with Post PNG**

- ✓ **Convenient**  
Available at all postal outlets nationwide
- ✓ **Reliable**  
Full track & trace
- ✓ **Quick**  
Electronic transfer
- ✓ **Cost Effective**  
No extra charges

# SMK

## SALIM MONI KWIK

SMK allows electronic money transfers to be sent and picked up at any Post PNG location.\*

\* Check with Post PNG regarding available outlets

Call Toll free Tel: 180 2999  
Fax: 325 8969  
Email: [financial.services1@postpng.com.pg](mailto:financial.services1@postpng.com.pg)  
Visit: [www.postpng.com.pg](http://www.postpng.com.pg)

# Salim Moni Kwik long Mobile bilong yu

making everyday easier

**mobileSMK**  
salim moni kwik

# Ol edukesen, helt na komyuniti projek kisim K8 Milion sapot

OLEDUKESAN, helt na komyuniti projek long PNG i ken kari-maut ol sevis bilong ol long sevim moa pipel long ol rurel eria na ol turangu komyuniti na bikpela tok tenkyu i mas go long Dijisel Faundesen, komyuniti sevis han bilong bikpela komyunikesen kampani long PNG, em Dijisel Limitit.

Insait long lonsing bilong Anuel Baset Ripot bilong Dijisel Faundesen i bin kamap long las

wik, Faundesen Siaman em, Richard Kassman, i tokaut long narapela K1 million moa oge-naisesen i putim antap long K7 million manimak em i wok long givim i go long ol edukesen, helt na komyuniti projek na progrem long PNG.

Olsem na nupela manimak we faundesen i givim long fandim ol projek long 2011 na 2012 i kamap long K8 milion.

Faundesen i bin tokaut long ol

wok plen bilong 2011 na 2012 na tu, glasim ol wok kamap long 29 projek ol bin kamapim na fandim long 2010 na 2011.

Long sait bilong edukesen, Dijisel Faundesen i bin bildim long ol rurel eria 18-pela praimer skul klasrum i gat long ol toilet na klinpela wara bilong 720 praimer skul sumatin, bildim 26 elementeri skul klasrum long ol rurel eria we 520 sumatin i skul long em, progrem i go het long

givim besik edukesen sevis. Ol projek i go het long ol Komyuniti Lening Senta (CLC) skul we ol i sanapim pinis 33 CLC senta na samting olsem 2,000 sumatin i painim hat long go long ol nomol praimer na bikos long skul fi hevi na ol arapela moa long ol komyuniti long taun na ol setelmen i go long ol nau taim ol i kirapim tu ol Isi Lening Progrem tisa trening kos. Long dispela progrem, faundesen i patna

wantaim Yuniti Foskwea Sios long trenim 52 tisa long ol CLC skul long Mosbi.

Siaman Kassman i tok ol i amamas long ol wok kamap we Dijisel Faundesen i mekim na ol bai go het yet lon g kisim ol besik edukesen na helt sevis i go aut long ol komyuniti husat i laikim tru helpim, tasol pastaim, ol yet tu i save mekim samting long helpim ol yet.

## NU Ailan Gavman bai baim NPI sumatin skul fi

NU AILAN Provinsel Gavman bai baim skul fi i stap yet bilong ol Nu Ailan sumatin husat i skul long Nesanel Politek Institut (NPI) long Lae, Morobe provins.

Dispela em hap skul fi mani we Nu Ailan Provinsel Gavman i

no pinis long baim yet i go long NPI long dispela yia.

Nu Ailan Gavman, Se Julius Chan, i tokim edministresen bilong em long baim "autstending" skul fi bihainim wanpela petisen ol sumatin i givim long em long

las wik taim em bin stap long Lae las wik.

Ol sumatin i tok ol i bungim hevi nau bikos skul i no larim ol long kisim kaikai na ol narapela sevis bikos ol i no baim yet hap skul fi mani.

Ol i tok bikos long hap skul fi i stap yet, ol i bungim hevi long stap long skul long ol mun i kam.

Se Julius i tok Nu Ailan Provinsel Gavman i bin katim K13 milion long skul fi bilong ol

sumatin long olgeta level na mani i stap, tasol ol woklain long edministresen i mas mekim wok long stretim na salim dispela hap skul bilong ol Nu Ailan sumatin long NPI, Lae long Morobe provins.



AMAMAS: Komyuniti na ol skul sumatin i amamas long nupela dabel klasrum bai helpim ol pikinini i kisim save. Foto: Dijisel Faundesen

## Ol Haphap Nius:

OL skul sumatin insait long Mosbi siti nau i ken gat kliapela save long Bogenvil na ol samting i kamap long ailan. Dispela i bihainim tupela liklik buk we Nesanel Kodinesen Opis bilong Bogenvil Afeas (NCOBA) i givim long ol skul. Wanpela long ol em megesin we opis i kamapim long wan wan mun na i gat ol nius long Bogenvil

long en. Narapela em Brukim Gan liklik buk i gat infomesen long wok bilong rausim gan long Bogenvil ol i raitim long Tok Pisin. Ekting Komyunikesen Menesa, Terence Mose i go pas long dispela wok bikos em i laik kisim mesej long Bogenvil i go aut long ol yangpela pipel.

YUNIVESITI bilong PNG (UPNG) na Macquarie Yuni-versiti long Australia bai wok wantaim long sampela projek na tu, kamapim patnasip progrem. Dispela i bihainim wokabout bilong deputi Vais Sansela bilong ol i kam long UPNG las wik. Dokta Judith Sachs i bin toktok wantaim ol sinia eksekutiv bilong UPNG, ol woklain bilong ol wan wan dipatmen, ol sumatin grup na Saiens na Marasin skul long Taurama kempus. i gat bikpela intres o laik long trening bilong ol woklain long edministresen na ol sumatin we Dokta Sachs i bilip olsem dispela bai skruim save bilong ol aninit long sivik engesmen progrem.

MOA sumatin i ken go skul long Rumginae Komyuniti Helt Woka Trening skul na tok tenkyu i go long gavman bilong Japan lon g givim K242,055.12 long

bildim wanpela tupela stori klasrum long trening helt skul i stap klostu long Ki-unga insait long Westen provins. Opening bilong nupela skul bilding i bin kamap long Julai 5 na ambaseda bilong Japan long PNG, Hiroharu Iwasaki, na lain bilong em i bin stap long em. Taim em i tok amamas long helt trenin g skul long go hetim projek we kaikai bilong en em opening bilong dabel stori klasrum, Ambaseda Iwasaki i askim skul na ol sumatin long lukautim gut skul na ol lain i kam bihain i ken yusim na kisim gutpela save long en. Bi-hainim pinis bilong dispela bilding, skul i ken kisim moa sumatin bai wok long helt sekta long olgeta hap bilong kantri na wok long kamapim gut helt sekta. Ambaseda Iwasaki i tok dispela projek bai strongim moa prenpasin namel long PNG na Japan

## Tupela skul kisim ol dabel klasrum

LONG las wik, tupela skul long kantri i kisim helpim long Dijisel Faundesen taim ol i opim ol nupela dabel klasrum bilong ol.

Sibilanga Praimeri skul long Sandaun Provins em i namba wan skul long provins we i kisim nupela dabel klasrum i gat long em opis spes, 40 nupela dabel desk, ol skul blekbot, wanpela tenk wara, tupela toilet na tupela baket sawa bilong ol meri sumatin.

Dispela em i wanpela bikpela skul

i gat 430 sumatin long Gret 1 inap long 8 na ol klasrum bilong ol em i hap bus metiriel na kapa we komyuniti yet i bildim. Tasol dispela dabel stori kapa we Dijisel i bin wokim wantaim manimak inap long K210,000 na bai kisim 80 sumatin em i haus kapa olgeta.

Long opim nupela dabel stori klasrum long las wik Fonde, Sif Eksekutiv opisa, Marina van der Vlies, i tok faundesen i sapotim Sibilanga Praimeri skul bikos komyu-

niti i wokim ol klasrum long skul ol yet wantaim ol metiriel bilong bus na dispela i soim olsem grup bilong ol i ken mekim samting long helpim ol yet.

Long wankain taim, Pami Elementeri skul long Westen Hailans i bin opim dabel klarum bai helpim 80-pela skul sumatin long en.

Dispela em i namba 5 elementeri skul komyuniti projek long provins tasol em i namba 11 komyuniti projek Dijisel Faundesen i fandim.





## Jisas i lida bilong olgeta lida

LIDA i mas noken traim long bihainim ol arapela mar na stail bilong ol. Em i mas stap olsem em yet i stap Long dispela bai gutpela ol presen na stail we God i bir putim long em yet bai kamap long ples. Jisas yet em wanpela gutpela lida na yumi olgeta i ken luksave long em na bihainim em. Em i lida bilong olgeta lida. Em ye i tok wanem? Long Buk Baibel i gat tok bilong em i go long ol lain lida husat i bin wok wantaim em long taim em i stap long graun. Yumi save kolim ol lain disaipel bilong em. John 13: 15 i tok, "Mi soim pasin long yupela na yupela tu i mas mekim wankain pasin olsem nau mekim long yupela".

Dispela em i Bikpela tok bilong namba wan lida tru bilong yumi. Pasin em soim yumi em yumi mas bihainim pasin bilong em na bai yumi tu i ken soim wankain pasin long ol arapela long bihainim yumi. Narapela bikman na wanpela long Papa bilong yumi long bilip, Aposel Pol em i mekim sampela tok olsem. Mi aposel Pol i mekim strongpela tok long ol manmeri husat i laik stap lida tru.

Em yet em i wanpela lida tru long wok misin na planti wei na sait bilong em long wok i stap pinis long Baibel we yumi ken ritim na bihainim. Long 1Korin 11: 1 em tok, "Yupela i mas bihainim pasin bilong mi na wok about olsem mi save bihainim pasin bilong Kraisa na wokabaut". Nau husat namel long yumi ol lida bilong nau inap long fit long tokim ol arapela long bihainim pasin bilong em. Mi ting em i wanpela bikpela tok tru long yumi ol lida manmeri. Long wanem lida em i mar o meri i go pas na ol manmeri bai bihainim yu lida. Mi laik tok save long yu olsem Jisas em i lida bilong olgeta lida. Yu bihainim em bai yu kamap gutpela lida tru Amen.

# Ol wok redi klostu pinis long WYD2011 wokabaut ...52 yut na pilgrim long PNG bai go

**Veronica Hatutasi i raitim**

SAMTING olsem 52 Katolik yut na ol pilgrim bai go long Wol Yut De 2011 bung long Madrid, Spein (Spain) long mun Ogas.

Robert Losema husat i Asisten long Jenerel Sekreteri na lukautim sait bilong Menesmen na Edministresen long Konpres bilong ol Katolik Bisop (CBC) long PNG na Solomon Ailan, i tok ol wok redi long stretim ol visa bilong ol dispela lain i wok long go gut tasol.

Wanpela wik WYD2011 long bikpela siti bilong Spein em Madrid bai stat long Ogas 16 na pinis wantaim bikpela misa lotu we Pop Benedict 16 bai go pas long en long Sande Ogas 24.

Mista Losema i tok 52 em i fainol lista long grup bai go long WYD2011 long PNG na CBC i wok long stretim ol wokabaut bilong ol.

Tasol sampela long dispela grup i stretim ol wokabaut bilong ol yet taim ol narapela i lusim ol samting

long han bilong CBC.

CBC i rejistaim pinis dispela 52 pipel long PNG husat bai go long Madrid.

Mista Losema i tok planti lain long 150 mak i go antap, i bin gat laik long go long dispela WYD2011, tasol mani hevi, liklik lain tasol bai go.

Ol lain i wok long go em ol i bilong 5-pela daiosis olsem long Hagen, Kundiawa, Wewak, Daru/Kiunga/Tabubil na Mosbi.

Long Mosbi Asdaiosis, klostu hap long dispela i go em ol i kam long Tokarara Peris.

Mista Losema i tok wanwan manmeri yet i bin kamapim mani ol yet long mekim wokabaut i go long WYD2011.

Em i tok ol yet na famili bilong ol i karimaut ol fan resing long kamapim dispela bikpela manimak na tu, mani bilong holim long han na go.

Em i tok i kam inap nau, ol bikpela wok redi i pinis na nau ol i

wetim tasol ol visa pepa.

Spein i stap longwe stret long, manimak long baim balus tiket i go antap long K8,896. Antap long en, i gat K500 rejistresen fi we CBC i salim pinis i go long ol ogenaisa long Spein long stretim ples bilong slip na kaikai long en. Long 2008 WYD bung ol bin holim long Sidni, Australia, PNG i bin salim planti tausen yut na ol pilgrim long en.

Mista Losema i tok em i bilip olsem ol daiosis na ol bisop i wok long helpim ol lain long ol wan wan daiosis bilong ol long redi wantaim sampela progrem long strongim ol.

Em i tok rot we grup ya bai bihainim long ron bilong balus wokabaut em long Mosbi i go olsem long HongKong, Amstedam long Holan i go olgeta long Madrid, Spein. Long kam bek ol bai lusim Madrid long Ogas 24 na bihainim wankain rot ol i go long en na kam kamap long Mosbi long Ogas 25.

## Gutpela wokmeri bilong sios na helt sevis i dai

KATOLIK helt sevis long Simbu provins i bungim bikpela sori tru long lusim wanpela gutpela wokmeri na bos husat i bin mekim bikpela wok na kamapim ol gutpela senis long sios helt sistem long provins bilong ol.

Sister Kinga Irena Czerwonka SSSp bilong kantri Polan (Poland) tasol em i wok long PNG klostu long 20 krismas, i bin dai long Polan yet long Sande Julai 17 bihain long sik kensa i daunim em.

Sister Kinga i bin kam long PNG long 1991 aninit long Kros Kalsere Misin Ekspiriens (CCME) progrem long tripela yia. Em bin wok olsem nes long Alexishafen na tu, Yampu helt senta long Madang provins yet in ap long yia 1993.

Long pinis bilong 1993, em bin go bek long Polan na kisim laspela tok promis bilong em long kamap wanpela Sister. Long yia 1995, em bin kam bek long PNG gen na go wok long Yampu pastaim na bihain, ol i singautim em long go wok long Mingende Halt senta long Simbu provins, ples we em bin stap wok inap em i bungim sik na lusim i go bek long kantri bilong em long kisim marasin.

Bihain long kisim wok olsem Katolik Helt Sekreteri long Simbu

provins, em bin holim dispela wok long 13 krismas inap em i bungim sik na go bek long asples kantri, Polan, long kisim marasin.

Long taim bilong em long PNG, em bin mekim bikpela wok long helt sevis eria long Simbu, Sios Medikel Kaunsel (SMC) na kantri. Sampela ol wok em, long putim moa woklain, apim pe bilong ol Sios Helt woklain na kwaliti sevis i mas go long pipel. Tu, em bin wanpela long ol i kontribuit long raitim Nesenel Helt Plen 2011-2020.

Ol lain i save long en i tok Sister Kinga em i strongpela meri bilong wok, sanap long rait bilong ol helt wok manmeri, meri i gat save na planti gutpela tingting na gutpela piksa bilong ol helt woklain long provins na kantri.

Wok, ripot na toktok bilong em i kamapim senis long 6-pela ruel helt senta na etpos i kam aninit long lukaut bilong Katolik Sios na tu, mekim Mingende Helt senta i kamap wanpela ruel haus sik long Simbu provins. Nau Mingende i kamap olsem wanpela gutpela haus sik long Simbu na kantri.

Long las wik, olgeta helt woklain long Mingende na 6-pela helt senta na etpos i bin bung wantaim long Mingende na holim funereel sios lotu bilong Sister Kinga.

## Luteren Pasto konferens bai kamap

**Yakam Kelo i raitim**

MOA long 2000 Luteren Pasto wantaim meri bilong ol bai go long Mosbi long mun Septemba long stap insait long namba wan Nesenel Luteren Pastors konferens.

Dispela konferens bai kamap long Septemba 25 na pinis long 30 long Marimari Luteren haus lotu long Godons.

Pasto Pasto Guenu Kagl Gundu bilong Marimari Luteren haus lotu husat tu em nesenel kodineta bilong dispela konpres, i tok em bai namba wan taim bilong holim kain bung olsem, na askim i go long olgeta Luteren manmeri long Mosbi na Sauten rijon i sapotim long mekim konpres ya i kamap na pinis gut.

PastorGundu i tok wanpela bikpela samting insait long dispela konpres em bikpela luksave yumi givim long ol meri bilong ol Pasto. Ol dispela meri i givim bikpela taim na strong bilong ol long sapotim ol man bilong ol long go aut mekim wok bilong Bikpela.

Ol i karim ol kago na hevi wantaim na bihainim ol man bilong ol go insait long ol bikbus, maunten ples na longwe ples tru. Planti bikpela hevi ol i bungim olsem mani i sot, nogat gutpela haus bilong slip, nogat mani long baim ol samting

olsem sop, suga, sol, rais, tin pis o klos bilong werim. Ol pikinini i no kisim gutpela skul o marasin long haus sik tasol ol i daunim ol dispela hevi long nem bilong karim Gutnius bilong God i go long ol manmeri bilong yumi, Pasto Gundu i tok.

Long dispela, yumi mas givim bikpela luksave long ol meri bilong ol pasto bilong yumi na amamasim ol long kam tu wantaim man bilong ol long dispela konferens long Mosbi.

Pasto Gundu i tok planti bilong ol Pastorna meri bilong ol i no save ron long balus bipo na tu i no bin lukim Mosbi siti. Olsem na dispela bai namba wan taim tru bilong ol long ron long balus na kam long Mosbi na yumi mas amamas long mekim dispela kam bilong ol i gutpela na naispela.

Dispela konferens bai kos samting olsem K5 milien olgeta we K2.5 milien bai go long balus tiket bilong ol pasto long kam na go bek na K2 milien samting bai go long hotel rum we ol bai slip long en. Arapela kos bai go long trenspot na arapela samting moa we bai i kos long konpres i baim.

Pasto Gundu i singaut long olgeta pikinini Luteren bisnisman, ol memba bilong palamen, ol bosman bilong gavman na ol kampani long kam givim han long mani na ol

helpim bilong mekim dispela konpres i kamap gut.

Bikpela namba bilong ol pasto bai kam olsem long Morobe provins makim 6-pela distrik bilong Mumeng, Jabem, Kote, Ukata, Siassi na Boana. Bihainim em Simbu, Hagen, Goroka, Madang na ol liklik lain bai kam long Kimbe, Rabaul, Samarai, Balimo na Sentrel provins.

Ol arapela tu bai kam long konpres em ol Saplin bilong ol skul, Marin Luta Seminari, Ogelbeng na Logaweng na tu ol sios lida long Ampo het opis. Ol Luteren long Enga na Melpa bai kisim singaut long kam tu na witnesim dispela konferens.

Nau yet long Mosbi siti em ol Luteren manmeri i statim wok bilong mekim mani o fan reising pins. Ol kainkain grup olsem Simbu, Hagen, Madang na ol 6-pela distrik long Morobe i mekim wok pinis long kukim kaikai na salim na mekim ol arapela fan reising wok pinis. Ol save kukim ol kaikai na salim long Marimari haus lotu long olgeta wiken na husat Kristen manmeri i raun long hap i welkam long go baim ol kaikai na sapotim dispela wok bilong konpres.

Wanem ol toktok bilong helpim o sapotim dispela konpres yu ken go lukim Pasto Gundu long Marimari Luteren haus lotu long Godons.



# TOK PISIN NEWS

from Radio Australia

radioaustralia.net.au

Harim TOK PISIN long  
Radio Australia  
**101.9FM**  
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

## OI PNG papagraun i lusim kot kes

WANPELA kot long Papua Niugini i sakim wanpela askim oa aplikesen long stopim wanpela nikel main long tromoi posin pipia bilong main i go insait long solwara.

PNG niusman Liam Fox i ripot olsem wan tausen ol papagraun i bin painim we bilong stopim plen bilong Ramu Nikel Main long tromoim planti milian tan hevi bilong pipia i go insait long Not Kos bilong Madang provins.

Na ol i strong olsem sapos dispela posin i go aut long main, em bai kilim na bagarapim olgeta busgraun na pis, na laip sindaun bilong ol.

Jastis David Cannings i harim dispela wari bilong ol na em i tok em i no ting kampani bai mekim olgeta samting long stopim posin i go aut. Tasol em i bin sakim dispela papagraun aplikesen bikos gavman i bin givim tok orait

bilong ol long tromoi posin, na sapos ol i stopim, em i tok, main na bisnis bai bungim bikpela hevi long wok ekonomia.

Tasol dispela kot disisen i min kampani, em Saina i bosim bikpela sea long en, i ken stat wok long main.

## NZ Seasonal sapota i no wanbel wantaim toktok bilong USA

OL sapota bilong 'sisenal woka skim' bilong Nu Silan (New Zealand) i sakim ol toktok i kam long Amerika olsem Nu Silan kampani i kisim ol Pasifik pipel i bin panisim ol long wok ples.

Pasifik Niusman Campbell Cooney i ripot olsem long wan wan yia, ol kampani em ol i rejista wantaim Nu Silan Rejistet Sisenal Employas skim i save larim ol long kisim tu tausen ol Pasifik pipel long wok long fam bilong ol. Tasol long mun i go pinis,

wanpela ripot bilong US Stet Dipatmen long Trafiking in Pesens bilong dispela yia 2011, i autim sampela wari olsem dispela skim i bagarapim rait bilong ol pipel. Ambeseda Luis CdeBaca i bos bilong Opis bilong Monitarim na Kombet agensim pasin Trafiking in Pesens bilong Stet Dipatmen.

"I gat ol han mak i kamap pinis i soim pasin bagarapim, na i gat sut toktok tu long kilim dai manmeri long sampela ol sekta."

Nu Silan Ministri bilong Leba i no yet mekim wanpela bekim long dispela toktok tsaol ol sapota bilong skim i tok dispela ol toktok i no tru.

## Australia PM i bilip Malaysia bai onarim agrimen

AUSTRALIA Prais Ministri Julia Gillard, i tok em i bilip Malaysia bai onarim agrimen ol i sainim long kisim 800

asailam sika bilong Australia. Na bekim bilong en, Australia bai kisim 4-tausen ol refuji bilong Malaysia insait long 4-pela yia. Mis Gillard i tok Australia i bilip olsem dispela tok orait wantaim Malaysia bai wok long lukautim ol asailam sika.

"Mipela i go insait long wanpela agrimen o tok wanbel wantaim Malesia na dispela agrimen i go aut pinis long pablik, na ol i sainim pinis, na i gat ol banis bilong em long humen raits bilong ol pipel Australia i salim i go long Malesia, na mipela i go insait tu long wanpela tok wanbel olsem tupela gavman wantaim bai onarim ol samting i stap insait long dispela agrimen."

## Australia Oposisin lida i tok em i no bilip long gavman

OPOISEN Lida bilong Australia, Tony Abbott, i tok ol pipel i noken bilipim dispela ol toktok bilong gavman.

Imigresen Ministri Chris Bowen i tok wok lukaut bilong ol asailam sika i stap insait long dispela agrimen, tasol Mista Abbott i gat sampela wari olsem dispela plen bai no inap wok.

Em i tok Mista Bowen i bin mekim dispela ol tokaut pastaim, tasol wanpela samting i no save kamap. "Em i tok olsem olgeta ol pipel husat i kamap bihain long Malesia i tokaut i bin kamap, bai kamap ausait long kantri. Olgeta samting ol i tok bai ol i mekim, ol i no mekim. Ol i wok giaman tasol. Ol i karim dispela sik t-d-d. Truth deficit disoda."

## Japan Ministri i tok bai ol i kukim long paia olgeta posin mit

AGRIKALSA Ministri bilong Japan, Michihiko Kano i tok ol bai kukim long paia olgeta mit em i gat posin i kam long Fukushima nuklia disasta.

Ol i bin kilim samting olsem 3-tausen bulmakau em ol posin bilong nuklia disasta na ol i bin salim ol mit i go long ol stoa raun long Japan. Mista Kano i tok plent opereta, Tokyo Electric Power, bai peim olgeta 'bill'.

## Fiji gavman i abrus long kisim iau bilong Kot

FIJI Hai Kot i rausim wanpela askim o aplikesen bilong Interim gavman long rausim wanpela salens bilong katim pe bilong ol pensin.

Jemima Garrett i ripot David Burness, krismas bilong en 75, i salensim plen bilong gavman long

sanis oa 'reform' bilong pensin. Em i tok dispela plen bai katim 64 pesen pensin mani bilong en na dispela yet i bagarapim human right bilong en.

Hai Kot Jas, Justice Pradeep Hettiarachchi, i bin tok dispela i wanpela bikpela nesanel isu na em i no redi long tok orait long askim bilong gavman long rausim keis pastaim long em i harim olgeta tok-tok long kot.

Justice Hettiarachchi i bin tok em i no bilip dispela pensen mani, em gavman i laik kamap sanis long en, i no wanpela human raits isu. Na em i givim ol loya bilong Mista Burness 21 de long stretim ol kot pepa long dispela keis.

## Norway ganman i sanap long kot

MAN ol i bin arestim long kilim i dai moa long 70 pipel long Norway i tokim kot jas olsem, i no em tasol i bin plenim displa trabel.

Bipo, man ya, Anders Behring Breivik, i bin tok em tasol wanpela i bin kamapim dispela plen we 76 pipel i bin dai.

Em i bin tokim jas, em i no mekim rong.

Lisa Millar i ripot olsem, Anders Behring Breivik i bin askim long ol i mas givim em militari yunifom bilong werim i go long kot, tasol ol i no givim em.

Em i tokim jas long kot, em i mekim dispela pasin bilong sevim Norway na Westen Yurop long samting em i kolim long - kalsarel Marxisim na bilong pasim ol Muslim long tekova long kantri.

Em i tok, em i no wanpela tasol i tingting olsem, i gat tupela narapla lain insait long ogenaisesen bilong ol, em i tok.

Jas i tok ol i mas lokim em wanpla bai noken toktok wantem ol narapela i wok wantem em na tu bai noken bagarapim ol wok-painim bilong polis.

## Ripot i tok, Air Vanuatu i sekim pinis bos bilong en

Ripot i tok Vanuatu nesanel balus kampani Air Vanuatu, i sekim pinis bos bilong en.

Vanuatu Daily Post niuspepa i tok elain bod ov dairektas i bin rausim Joseph Laloyer, na putim sif pilot Peter Fogarty bilong kisim ples bilong em. Post i tok Mista Laloyer i bin kirap nogut long ol i sekim em, na i tok insait long 17 mun em i bin stap long displa wok, em i bin daunim bikpela dinau bilong elain lusim 14 milian US dola i kam daun long 1.2 milian na i bin nap long kamapim ken bilip long elain.

Post i tok, Mista Laloyer bai apil agensim dispela tingting.



Air Niugini

## PABLIK NOTIS

### PLES BILONG STAP NA KAIKAI BILONG OL PASINDIA HUSAT MAUNTEN PAIA NA BIKPELA REN NA WIN I PASIM RON BILONG BALUS BILONG OL .

Air Niugini i laik toksave long ol pasindia long sampela ol samting ol i mas save sapos balus bilong ol i no inap long mekim ron bilong em.

Yu mas save olsem Air Niugini bai **no inap** givim yu ples bilong silip na kaikai sapos **ol hevi olsem maunten paia, bikpela ren, win na ol narapela samting olsem i pasim ron bilong balus.**

Em i no asua bilong Air Niugini taim ol dispela kain hevi i kamap, olsem na ol pasindia husat i no inap go long dispela taim i mas painim kaikai na ples bilong ol yet long stap.

Ol wokmanmeri bilong Air Niugini bai helpim yu long bukim sit bilong yu long narapela ron bilong balus long bihain taim, tasol yu yet mas painim kaikai na ples bilong silip. Air Niugini i laik tok klia long dispela long pablik bihain long sampela askim i kamap taim bikpela ren na win i pasim ron bilong balus bilong ol.

Tenkyu long luksave na wokbung wantaim.

**Air Niugini Menesmen.**



# WANTOK KOMENTRI

## Husat bai klinim birua long busgraun na wara?

NAU, klostu tupela yia bihain long ol papagraun bilong Madang i kirapim kot agensim tromoi bilong pipia bilong nikel na kobal main i go long solwara, kot i tok em i no inap pasim kampani long mekim wok maining.

Em i wanpela bikpela disisen tru bilong kantri, na bikpela moa disisen we i makim tu ron bilong ol wankain main wok insait long ol arapela kantri long Pasifik.

Astingting na tok kliia i kam long Jastis David Cannings long Nesenel Kot bilong Madang, i tok olsem wok bilong kampani i go pas long dispela main, i bin ron pinis, na i hat long kot i pasim kirap bilong en.

Ol as bilong tok skelim bilong em i sanap long luksave olsem sapos kot i pasim olgeta dispela wok bilong tromoi main pipia, em bai planti ol arapela bikpela kampani husat i tingting long kam wok long PNG, bai lukluk long narapela kantri.

Namba tu samting, em i tok kot bilong ol papagraun long holim strong nambis na solwara bilong ol, em i kamap let tumas.

Mipela, ol pipel bilong PNG i laik save, watpo bai yumi lusim ol gutpela busgraun na wara bilong yumi, long luksave bilong kot, olsem sore tumas, yumi bin isi isi tumas long kirapim kot agensim pasin we i ken bagarapim olgeta sindaun bilong yumi?

Ating i mobeta dispela ol kot i bin kamap, laka?

Sapos i gat wanpela bikpela skul i kamaut long dispela birua namel long ol papagraun na kampani na gavman, em i olsem:

I nogat mak o brek bilong gavman i givim tok orait long ol kampani bilong ol arapela bikpela kantri long kam insait na kirapim bisnis. Long Ramu main, em i givim tok orait, na i abrusim tu olgeta wok sekim na atoriti i stap long glasim gut ol birua bilong projek.

Na insait long taim we ol papagraun i kirapim kot, na ol birua bilong ol i pretim ol inap olgeta i lusim kot, kampani i go het long sanapim projek bilong ol.

Long wankain taim, gavman i go het na kisim ol save-manmeri long kam na givim tingting bilong ol. Wanpela ol dispela lain em ol savemanmeri bilong glasim strong bilong solwara na ol ston, graun na abus i stap.

Ol dispela wanpela lain, husat i bin tok lukaut long tromoi pipia long solwara, nau i bin kam halivim gavman long tok olsem main em i orait long go het, bikos i gat wok bilong was long sindaun bilong solwara i stap pinis.

Wanpela samting i kliia long olgeta dispela. Sapos wanpela bisnis i gat inap mani bilong tanim get bilong gavman, nogat wanpela papagraun o kot, bai inap long pasim ol.

Em i pasin demokrasi?

# Media em i olsem glas

**M**INISTA bilong Intenel Sekyuriti (Polis), Mark Maipaika, i tromoi sampela strongpela toktok long wok bilong ol niuslain insait long kantri long mekim gut wok bilong ol long sapotim ol bikpela wok developmen tude.

Em i tromoi bikpela nek olsem ol niuslain i no ken sanap birua agensim gavman, we ol i wok long tromoi ston long gavman na gavman tu wok long tanim bek na tromoi ston go bek long ol niuslain.

Em i tok tupela mas painim gutpela rot long helpim na sapot wantaim long kamapim gutpela sindaun na developmen bilong kantri bilong yumi Papua Niugini.

Wanpela nek tu em tok long ol bikpela kantri long ovasis, ol hevi o trabel olsem kilim man, bagarapim meri o bikpela stil pasin i save kamap olgeta de, tasol ol niuspepa na radio o televisen i no save mekim bikpela stori long dispela. Tasol long



PNG em ol niuspepa na radio televisen bilong yumi save kisim ol dispela na mekim bikpela stori long en we i save bagarapim tru nem bilong kantri bilong yumi na daunim ol gutpela senis na developmen we i laik kamap.

Narapela tu em tok ol hevi o paol pasin Gavman save mekim em ol niuslain i no save ripotim stret. Ol kisim wansait stori na i no kisim ful stori long sait bilong lida o man i kisim nem nogut long ripot.

Long bekim dispela toktok bilong Minista Maipaka, biknem niusman bilong Papua Niugini, Susuve Laumaia i tok olgeta Gavman lida o memba mas save olsem wok bilong niuspepa, radio na televisen i olsem

glas bilong ol lida i lukim ol yet na skelim. Skelim sapos ol i wok gut o i no wok gut. Sapos dispela glas i no stap, bai yu no inap lukim yu yet na save long wanem kain wok na mak yu stap long en.

Mista Laumaia i tok Gavman i save laik sutim tok long wok bilong nius long oltaim bagarapim nem bilong ol na ol wok ol laik mekim tasol ol lida mas save olsem, wanem eksen ol mekim bai kamap long nius yet. Pipel i makim lida na wanem wok o pasin ol i mekim em pipel mas save olgeta taim. Long dispela as, wok bilong nius em long tokim ol pipel.

Dispela tupela bikman ya i tromoi sampela bikpela toktok long Tunde nait long makim namba 5 Krismas bilong amasim wanpela Papua Niugini Niuspepa ol kolim Sunday Chronicle.

Dispela pasin bilong Gavman long sutim tok long wok bilong nius em i

no nau nau. Gavman i save laikim olsem olgeta taim wok bilong nius i mas stap long sait bilong ol long ripotim ol gutpela stori bilong ol tasol. Wanem gutpela samting ol mekim em ol laikim i mas kamap long nius. Na taim wanpela nogut samting ol mekim, ol no laikim tru bai kamap long nius. Taim nius i ripotim stori nogut bilong ol, bai wantu ol kalap na hatim tru ol nius ripota long wok bilong ol.

Em i tru olsem wok bilong nius em i olsem wasman o glas bilong yumi lukim yumi yet na stretim yumi yet. Na tu em i sanap olsem wanpela tebol we yu ken tromoi olgeta tingting, toktok na wok bilong yu antap long en na skelim skelim. Taim yu skelim pinis yu ken kisim gutpela long helpim wok bilong yu, sindaun bilong yu, bisnis bilong yu na wanem kain samting yu laik mekim long painim amamas na gutpela laip long en.

**WANTOK**  
 Published Weekly, Thursday, for Word Publishing Company, Ltd.  
 P.O. Box 1982, Boroko, NCD  
 Papua New Guinea  
**Telephone: (675) 325 2500**  
**Fax: (675) 325 2579**  
**Email: editorial@wantok.com.pg**  
**Pe bilong wanpela yia 52 niuspepa**

<b>Ples:</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

**General Manager**  
Elizabeth Konga

**Editor**  
Neville Choi

Published at  
Portion 445, Kanage Street,  
Six Mile NCD

Word Publishing Company Limited is owned by the four major churches of Papua New Guinea: Catholic 50%, Lutheran 25%, Anglican 10%, United Church 15%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

# Wol Nius long poto...



### Gillard kek i win

WINA: Wanpela kek we Deputi NT Nationals lida, Nigel Scullion i mekim, i soim wanpela pukpuk i kaikai Praim Minista Julia Gillard. Dispela kek i winim resis wantaim ol arapela kek, we ol biknem manmeri i stap insait na mekim.

### Su man bilong Lahore

WOK YA: Hameed, em i wanpela man Pakistan husat i save tru long stretim na mekim ol su. Em i sindaun insait long wanpela traipela mama bilong su long stua bilong em long biktaun Lahore, long Mande dispela wik. Hameed i mekim dispela 1.8 mita su wantaim gol tret long pulim ai bilong ol kastoma bilong wanpela Muslim Eid festival. Salim prais bilong su em US\$350.



### Wanpela moa yia na London Olimpiks bai kamap

WAN MOA YIA: Wanpela liklik mangi i ai op tru long wanpela Gat man bilong Kwin bilong Ingran taim em i sanap long fran bilong wanpela retpela London dabol deka bas, wantaim sampela ol Olimpik spotmanmeri bilong Australia. Ol i go bung long Sydney, Australia long Trinde long makim selebresen olsem i gat wanpela yia moa pastaim long London 2012 Olimpik Gems i kamap.



### Balus birua long Morocco

BIRUA: Ol hap hap bilong wanpela ami trenspot balus i silip long sait bilong maunten long Goulmim, long Sauten Morocco, long Tunde dispela wik, bihain long em i bungim taim nogut na pundaun. Olgeta 80 manmeri i stap long balus i bin dai.

### Planti tausen i bung wantaim sore

SORE: Inap long 100,000 manmeri na pikinini bilong kantri Norway i bin kam bung long wanpela memorial mas ausait long Siti Hol bilong Oslo long sapot bilong ol long ol turangu i kisim birua na lusim laip long dispela hevi, we wanpela man i kilim planti arapela yangpela manmeri wantaim gan.



**Yut, Meri na  
Famili  
wantaim  
Lorraine  
Siraba**

## Agensim sutim tok long posin na lukautim ol meri



YUMI mas agensim pasin we ol man i plenim na wokim nogut na kilim dai tripela meri long Mosbi las wik husat ol i sutim tok long ol olsem ol posin meri.

Ripot i kamap long ol niuspepa olsem long bikmoning yet, ol bin pulim 4-pela meri i kamaut long haus bilong ol, kilikilim gut ol na tromoim ol i go daun long dai long Laloki Wara na nogat man bai painimaut samting ol i wokim. Tasol wanpela meri i no dai na i tokim stori long rot ol lain i sutim tok long ol long posinim na kilim dai wanpela bisnis man i bagarapim na kilim dai na tromoim ol long Laloki Wara.

Rot we ol lain i sutim tok long ol dispela meri em yumi yet i ken askim, tasol yumi bai tok stret olsem man i wokim posin na kilim dai narapela man olsem wanem?

Hia long namel bilong Mosbi siti o wanem hap moa, long sampela lain i wokim olsem na kilim dai ol meri long laik na yusim posinim narapela olsem as long ol I mekim olsem i no gut-pela samting na yumi mas egensim. Tru, ol i save mekim wankain long ol man, tasol i luk olsem ol i wok long tagetim stret ol meri long sutim tok long ol olsem ol posin lain. Olgeta yia, i gat ripot long sampela meri ol i taitim ol na pasim maus bilong ol, rausim klos bilong ol, nilim ol long diwai, semim ol na kilim dai ol. I gat ol narapela as tingting long kilim dai ol meri, olsem ol i laik kisim haus bilong em o graun o mani o pikinini meri o ol narapela as tingtign we ol i no amamas long ol. Planti taim, ol hauslain bilong wanpela man o meri i dai long wanpela kain sik bai yusim posin olsem as long dai long haitim sem pasin ol famili bilong dai man i ken bungim long en.

Em i hat long tingim pret pasin wanpela i gat taim wanpela grup i kros na holim ol samting bilong bagarapim yu i kam na pulim yu long haus na famili na papaitim yu nogut bikos long dai bilong narapela man yu no save long en na ol i karim yu i go long wanpela hap yu no save long en.

Ripot bilong Amnesti Intanesenel i soim olsem sutim tok long man/meri olsem ol i wokim posin na kilim dai narapela i wok long go antap. Long 2008, ol bin kilim dai 50 pipel long dispela ol sut tok. Vailens agensim ol meri i wok long kamap long kain kain rot na em i mas pinis kwiktai. Gutpela lukaut i mas go long ol meri. Ol meri i mas singaut long kisim gutpela lukaut bikos em i rait bilong yumi olsem ol sitisen bilong dispela kantri n a yumi ol ikwal divelopa bilong kantri, lukautim gut ol meri i mas kam long top level i kam daun. Ol komyuniti na wanpela lida bilong ol lain i kilim dai ol meri i mas wokim toktok long agensim pasin nogut tru ol lain bilong ol i wokim insait long siti na helpim polis long holim pasim ol dispela lain.

Nau ya, Konstitusenel Loa Rifom Komisin i wok long glasim soseri loa, tasol taim dispela wok i go het, planti meri long ol ruel eria na insait long ol taun na siti long PNG i stap wantaim pret long laip bilong ol long wanem, ol man i longlong raun na sutim tok long ol meri na go painim na kilikilim ol.

Maski ol i kam long wanem hap, ol meri long PNG i helpim long bildim na developim dispela kantri, kamapim ol pikinini man na meri husat i kisim kantri i go fowet na resis wantaim ol narapela kantri. Long ol kontribusen bilong ol, ol meri i mas kisim luksave na gutpela lukaut, tasol nogat man i lukim na harim aiwara na kraibilong ol.

Askim nau i go long sivil sosaiti na ol rilijes lida husat i maus bilong olgeta meri long dispela kantri long luksave long pasin nogut sampela lain i wok long mekim long ol lain i nogat strong long banisim ol yet na agensim ol pasin nogut ya. Yumi i gat wok long lukautim ol mama na pikinini bilong yumi na mekim ol komyuniti bilong yumi long PNG i seif na gutpela ples long stap long en.

SAPOS yu gat sampela toktok o askim long mekim o yu laik kontribuit long dispela kolom, rait i kam long Lorraine Siraba, YWCA of PNG, P O Box 5884, BOROKO, NCD. O yu ken ringim telipon namba (675)323 2885/ 3252181 Fax: (676) 325 6158 o salim email long : lsiraba@ywcapng.org



**PURPUR SPESELIS:** Sally Napolioni i skulim ol purpur growa long Lae long lainim gut ol purpur na ol i ken salim. *Poto: Anna MacCarthy*

## Purpur speselis i strongim ol Lae growa

**Barbara Tomi i raitim**

ASKIM i go long ol meri i groim purpur o flawa long tingting long kwaliti na hamas ol i planim long inapim mak we maket i laikim.

Sally Napolioni, em wanpela purpur growa na speselis i stap long Mosbi, i bin tokim ol purpur groa na sela bilong Lae siti las wik insait long wanpela bung wantaim ol.

Moa long 50 purpur growa i gat tupela man wantaim ol i bin kam olgeta long Ramu Suga, Spitwe, NARI Bubia na 10 Mail long bungim na harim toktok bilong Misis Napolioni i totkok long ekspirians bilong em long florkalsa bisnis we em bin statim long asples yet bilong em Fiji pastaim em i go stap long Australia na nau em i kam stap long PNG.

Sampela yia i go pinis, em Misis Napolioni i bin strongim ol Isten Hailans meri purpur growa long maketim ol Cordylain o tanget lip i go long Melbon, Australia, we i bin pulim bikipela laik stret. Tasol ol

meri i no bin inap long salim narapela purpur bilong ol gen bikos ol no bin inapim mak we maket i laikim long en.

Tasol Misis Napolioni i tok dispela taim em bai karimaut trening wantaim ol purpur growa bihain long stretim ID na ol samting moa olsem.

Long bung, ol bin bungim ejen bilong Misis Napolioni long Lae husat bai baim ol purpur na salim i kam long Mosbi.

Em i plen long go bek long Lae long karimaut trening long lukautim ol purpur plent na havestim o kisim ol taim ol purpur i redi.

Stat yet long 2007, ol meri i wok long maketim helekonia purpur na jinja o kawawar na tu, ol i baim moa purpur plent long planim napurpur gaden bilong ol i ken go planti.

Bikos ol meri i nogat trening, ol meri i save salim tasol ol kat flawa na pot plent long Lae Maket. Maket i save pulap kapsait wantaim ol purpur bilong salim, tasol i nogat planti lain bilong baim.

# GLOBE

....the perfect choice

**VITAMIN ENRICHED**

More Easy, More Tasty, More Healthy.



# Moa Telikom wokmeri sindaun long trening woksop

MOA wokmeri bilong Telikom PNG i wok long skruim save bilong ol long dispela taim ol nupela teknoloji i wok long kam insait tude.

Ileven (11) pela wokmeri na tupela man i bin sindaun long wanpela wik MS Eksel trening woksop long las wik long skruim save long yusim Maikrosop Eksel progrem na kisim ol setifiket long pinis bilong woksop.

Dispela em i namba tri grup long sindaun long wankain skills trening woksop bilong ol Telikom woklain.

"Olsem hap long misin bilong mipela, mipela i bilip long tromoim mani long ol woklain bilong mipela long pesenel na profesenel developmen na dispela trening em i hap long

en. Mipela i bilip olsem ol woklain i ki long kamapim senis insaitn long Telikom PNG na olsem, mipela i invest o tromoim mani long trenim yupela na nyupela i ken kisim kampani i go fowet," Paul Tevlone em sif bilong Humen Risos i tok.

Paulyne Buito em i wanpela Okupesnel Helt Nes wantaim Telikom i amamas stret long sindaun long trening woksop bikos em i bilip olsem i wok long senis hariap na yumi mas skruim lainim na ol i ken karimaut wok we ol bos bilong ol i laikim long ol.

Em i tok em bin kisim nupela save we em bai yusim long wok bilong em olgeta de.



Participants of the MS Excel Training with their accomplishment certificates after undertaking the weeklong in-house MS Excel Intermediate training facilitated by Telikom.

# Wol YWCA lonsim strongim strongim yangpela meri lidasip

Veronica Hatutasi i raitim

DVELOPIM na sapotim lidasip bilong ol yangpela meri na kamapim ol sef komyuniti em i samting we Yang Wimens Kristen Asosiesen (YWCA) long wol i wok strongim nau long mekim.

Dispela i kamap ples kliia long nupela "Pasifik Yang-

pela Meri Lidasip Strateji o ripot plen"ol bin lonsim long YWCA Wol Kaunsel long Zurik (Zuric), Swiselan las wik.

Wol presiden bilong YWCA, Susan Brennan, taim em i lonsim ripot i tok dispela strateji o ripot plen i putim ol yangpela meri long namel bilong ol wok long strongim li-

dasip bilong ol meri long kamapim ol seif komyuniti.

"Dispela em i nupela samting na em i makim nupela rot long wok bung wantaim long rijinel level na samting yumi laik lukim i kamap long developim na sapotim lidasip bilong ol yangpela meri i kamap," Mis Brennan i tok.

Mis Brenna i tok ol bin

kamapim dispela plen bihain long wanpela raun ol bin mekim na toktok wantaim ol yangpela meri long Fiji, PNG, Samoa, Australia, Solomon Ailan, Bogenvil, Tonga na Nu Silan. Ol savelain bilong ol ogenaisesen long Pasifik rijen we i sapotim eria bilong ol meri, pikinini na famili i bin bung wantaim na raun kisim

ol toktok na tingting bilong ol Pasifik meri.

Long taim bilong lonsim progrem, sampela meri Pasifik i bin tokaut long ol samting i kamapim hevi long ol komyuniti bilong ol. Em ol samting olsem ol yangpela meri i marit taim krismas bilong ol ino inap yet na vailens engensim ol meri.



REDI LONG KALAP LONG SIP: Manus Bris i pulap long ol Katolik meri husat i laik kalap long sip na go long Kimbe.

# BDA i helpim ol Katolik meri long Manus

OL KATOLIK meri grup bilong Manus i kisim helpim i kam long Boda Developmen Atoriti (BDA) long stap long wanpela sios selebresen long Wes Nu Briten provins.

Long las wik, samting olsem 200 memba bilong Manus Katolik Meri Asosiesen i bin inap long lusim Manus long sip, MB Manus Atols, we BDA i baim rot bilong ol meri long en na ol i ken bungim ol narapela wanlain bilong ol long Niugini Ailan rijen na selebretim 25 silva jubili bilong Mai Katolik peris long Wes Nu Briten. Selebresen i bin kamap long tripela de em, Fraide Julai 22, Sarere Julai 23 na Sande Julai 24.

Grup lida, Mary Logo, i tok em i amamas stret bikos ol meri i bin stap wantaim wari olsem bai ol i go long

Kimbe olsem wanem, na BDA i kam helpim ol.

"Mipela i bin wari olsem bai mipela i no inap go long dispela samting. Planti meri i bin laik go tasol bikos long trenspot hevi, planti long ol liklik ailan olsem Bipi i givap na go. Mipela i askim ol siping kampani long helpim mipela, tasol em i no wok. Mipela ol lain i stap klostu long Lorangau i pre na painim rot na long las minit, BDA i kam long helpim mipela," Misis Logo i tok.

Misis Logo i autim tok tenkyu i go long Manus Gavana, Joseph Pomat na Memba na Minista bilong Inta Gavman Rilesens, Michael Sapau, long helpim ol i kalap long sip na go long Wes Nu Briten.

Em i tok amamas tu long Nesenel Gavman long kamapim BDA we i wok long helpim kamapim gut laip na sindaun bilong ol longwe provins nap les olsem Manus.

Ol meri i bin lusim Manus long las wik Mande Julai 18 na kamap long Kimbe long Trinde, Julai 20. Sip MB Manus Atols i bin wetim ol meri i pinisim selebresen na kisim ol i go bek long Lorangau, Manus provins.

Ol siping opisa bilong BDA nau i stap long Jayapura, Indonesia long kisim sip bilong ol ol i kolim long MB Bogenvil. Ol bai yusim dispela sip long karimaut ol wok long Bogenvil.

BDA i gat 5-pela baj o sip olsem MB Muntai, MB Ulayut, MB Andreas, MB Milen Be na MB Glosta.

# Save i ken Helpim:



# Purpur miks marasin i wok long mi

PURPUR miks marasin i bin stretim wanpela meri Australia taim em bin stap long hevi na wari na em i go stadi "naturopathy" long lainim moa long ol purpur na hiling pawa bilong ol.

Taim em i pilim olsem samting i no stret o em i gat wari, em i save kisim purpur wara miksa, na dispela i wok long en. Wankain taim, em save kisim taim em i pilim orait tu long helpim em i strongim gutpela stap bilong em.

Traim ol dispela purpur long kisim helpim long daunim wari, sik na kain stap yu bungim long en.

Moa yet, long sait bilong kisim planti gutpela samting na tu, long lukluk long gutpela sait bilong laip.

Liklik Flannel Flower na Christmas Bell long helpim yu na bai yu kisim gutpela risal, Sunshine Wattle long amamas na Turkey Bush long strongim yu long mekim samting (creativity). Sapos purpur miksa i no kamapim senis long sait bilong sik long bodi, em bai kamapim senis long tingting, sori i go amamas na wanem birua yu stap long en.



**NEM:** Kisip Kembo  
**KRISMAS:** 19 (man)  
**ADRES:** ST. John De Baptist Primary School, P.O. Box 220, Kerema Gulf Provins  
**SAVE LAIKIM:** Pilai spots, watsim muvi, go Lotu, ridim buk na mekim pani

**NEM:** Isaiah Bonga  
**KRISMAS:** 28 (man)  
**ADRES:** P. O. Box 407, Popondetta, Oro Provins  
**SAVE LAIKIM:** Pilai Voli bol, Tas ragbi, pilai gita, lukluk TV( NRL), raitim pas, mekim na go Lotu

**NEM:** Rian Monghongo Alphonse  
**KRISMAS:** 18 (man)  
**ADRES:** Aniep Village, C/- ST. Mary's, P.O. Box 125, Leitre, Vanimo, Sandaun Provins  
**SAVE LAIKIM:** Harim musik, pilai soka, voli-bol, basketbol, go Lotu na mekim pren

**NEM:** Anestine Funumari  
**KRISMAS:** 18 (meri)  
**ADRES:** Notre Dame Secondary School, P.O. Box 164, MT Hagen, WHP  
**SAVE LAIKIM:** Ridim Baibel, singsing, harim musik, pilai basketbol, netbol, mitim ol poroman na lukluk TV.

**NEM:** Koron Amun  
**KRISMAS:** 25 (man)  
**ADRES:** P.O. Box 3079, Lae, Morobe Provins  
**SAVE LAIKIM:** Harim musik, pilai Kompyuta, ridim buk na mekim pren

**NEM:** Kaiya Yoan  
**KRISMAS:** (man)  
**ADRES:** C/- Bema Primary School, P.O.Box 37, Kerema Gulf Provins  
**SAVE LAIKIM:** Pilai soka, mekim Jokes na pilai volibol wantaim ol poroman

**NEM:** Ruben Yawa  
**KRISMAS:** 18 (man)  
**ADRES:** Muli Primary School, P.O. Box 69, Mendi, SHP  
**SAVE LAIKIM:** Harim musik, pilai soka, basketbol, volibol, ragbi tas na mekim pren wantaim wanpela Lotu man o meri

**NEM:** Stanson Petiti  
**KRISMAS:** 20 (man)  
**ADRES:** C-/ BSC ANZ Bank ( PNG) Ltd, P. O. Box 1152, Port Moresby NCD Papua Niugini  
**SAVE LAIKIM:** Pilai Gita, ridim Baible, mekim fani na stori wantaim ol poroman

**NEM:** Joel Kenis Amaekam  
**KRISMAS:** 29 (man)  
**ADRES:** Huon Gulf, Lae 411, P.O. Box 164 Lae, Morobe Provins  
**SAVE LAIKIM:** Mekim fani, eksasais, pilai lilik, pilai ukulele, gita, singsing, skerim tok wantaim narapela liklik, ritim baibel, komik, harim Radio Lait na Katolik FM, na painim wanpela meri long maritim na stap oltaim.

**NEM:** Anne Mary Yuwei  
**KRISMAS:** 21(meri)  
**ADRES:** Pes Primary School, P.O. Box 36, Aitape, Sandaun Provins  
**SAVE LAIKIM:** Pilai soka, Volibol, mekim pani, go Lotu, harim musik na watsim TV.

## Raun wantaim Kanage olgeta wik

### US soldia

KANAGE em i US Soldia em laik dai long haus sik bet bilong em na em i askim nes long karim US Flek i kam na em bai kis long em na bihain em bai dai gut. Nes i bekim, 'nogat wanpela flek insait long haus sik, tasol mi gat wanpela tatu bilong flek i stap long as bilong mi. Kanage harim na tok, 'honest, mi bai amamas tru long kis long em,' Em kis pinis na tokim nes, "Plis tanim na mi tok halo long Presiden Bush"

**Sims 4mie  
Popondetta**

### Kastom Mangi

WANPELA moning meri bilong Kanage laik go long maket long Dagua na em tokim Kanage, 'plis naispla man bilong mi nogat makmak bilong yu. Mi bai go long maket long salim buai bilong mi na bai yu was long liklik Vero na stap long haus. Olgeta samting mi wasim na hangamapim long lain i stap. Sapos ren i pundaun yu rausim ol klos i stap long lain. Gel tekov pinis long maket na bikpela ren i pundaun. Kanage rausim ol klos bilong em wantaim pikinini na i no rausim pens bilong misis. Apinun nau na meri bilong



Kanage kam bek na lukim olsem bikpela ren stret long ples, em kam daun long PMV na rot stret long haus na lukim olsem Kanage i no rausim pens bilong em long lain. Em i belhat na bikmaus antap long Kanage, 'mekim wanem na yu no rausim pens bilong mi long lain?' na Kanage tokim em 'plis em kastom ya. Hau bai mi holim pens bilong yu?' Meri bilong em kirap na tokim em olsem, "san na yu tok kastom, nait husat dispela masalai pukpuk save kaikaim long tit na pulim rausim?"

**Kevin Penias  
E S P**

### Yupela i no mangi moa

KANAGE i gat tupela pikinini man. Tupela wantaim i marit na stap wantaim papa na mama bilong tupela. Wanpela taim, Kanage i spak nogut tru na kamap long haus. Em singautim tupela pikinini man bilong em na meri bilong tupela i kam bung. Em nau Kanage i tokim ol olsem: 'Sori tupela pikinini bilong mi, mi laik toksave long yupela olsem em i

no gutpela long yumi olgeta i stap long wanpela haus tasol. Yu tupela marit pinis na yu tupela mas wokim haus bilong yupela na stap long em nau. Mi wantaim mama bilong yupela i les pinis long harim kain kain nois bilong guria yupela save wokim long nait. Em samting bilong sem yah. Long wankain taim, em i no gutpela long yupela harim ol kain kain nois mo wantaim lapun bilong mi wokim. Yupela i no manki moa. Yupela i save olsem taim bikpela guria i kamap, haus i save mekim nois ya. olsem em i moa gutpela long yu tupela i mas wokim haus bilong yupela yet'. Tupela pikinini man bilong Kanage em sem long toktok bilong papa bilong ol na kisim ol samting bilong ol na go stap wantaim ol tambu bilong ol.

**Andrew Luh Dhai  
Angoram**

### Ol skwat!

Salim ol gutpela Kanage tok pilai i kam long:  
 Kanage Tok Pilai  
 P.O. Box 1982,  
 Boroko, NCD  
 Port Moresby.  
 Email: atolire@wantok.com.pg

## Mi wari long bebi bilong mi i no laikim mi

### Dia Laipain

**MI WANPELA yangpela singel mama i gat 22 krismas. Boipren bilong mi na papa bilong liklik pikinini mangki i wok na stap long wanpela maining taun long narapela provins.**

**Mi save wok na stap ausait long taun taim liklik bebi bilong mi, husat nau i gat 7-pela mun nau, em mamapapa bilong mi i lukautim i stap long taun. Bebi bilong mi i dring susu botol i stap bikos em i lusim susu taim em i bin gat 4-pela mun.**

**Wari mi gat long en em, i luk olsem bebi bilong mi i no wari long mi nau. Long sampela wiken, mama bilong mi i save kisim bebi i kam stap wantaim mi, tasol long taim bilong go bek, em no bisi long mi. Tasol mi laikim em stret bikos em i namba wan pikinini bilong mi.**

**Narapela wari em, boipren husat i papa bilong bebi i no tingim mi, o raitim pas o ringim mi taim mitupela i stap longwe long wanpela narapela. Mi save wari stret taim mi tingim dispela na liklik bebi bilong mi. Long las tupela mun nau, mi no wok long kaikai o slip gut.**

**Mi laikim helpim.**

**Worried Mother**



### Dia Pren

TENKYU long raiti i kam long Laipain.

Mipela i sori long harim kain sindaun yu stap long en, na mipela i luksave long pilings na wari yu gat long liklik bebi i stap nau wantaim papamama bilong yu na em i pas wantaim ol. Na boipren na papa husat i no kontekim yu liklik. Bikos long dispela, yu wari na yu no kaikai o stap gut. Tasol mipela i amamas olsem papamama bilong yu i wok long lukautim bebi bilong yu. Tasol mipela i tokim yu olsem em wei bilong em long husat i stap olgeta taim wantaim bebi, em bai pas long em o ol.

Dispela i no min olsem bebi bilong yu i no laikim yu, nogat. I moabeta long yu serim dispela wari yu gat wantaim papamama bilong yu. Ol bebi i liklik tumas na wanem samting ol i mekim, ol i no luksave long en inap ol i groap long kamap ol bikpela pikinini.

Mipela i sori olsem boipren na papa bilong bebi i no save kontekim yu na yu stap nau wantaim wari. Yutupela i bin wokim sampela plen long bihain taim bilong yupela taim yutu-

pela i save poroman? Yu rait i go tu long em? Nogut em no save tu olsem yu gat bebi long em.

Mipela i strongim yu long kontekim em na painaut long posisen bilong em long yu na bebi. Na sapos em i no givim gutpela bekim, yu ken go lukim provinsel Welfea Opis. Ol bai helpim yu. Lo i stap we papa bilong pikinini i mas helpim long sait bilong mentenens inap pikinini i gat 18 krismas. Dipatmen bai helpim yu pulumapim fom long mekim papa bilong pikinini i peim mentenens long pikinini.

Ol man i ken lusim yumi tasol God i no inap. Putim bilip bilong yu long God tude, Proverb 3:5,6. God i promisim yumi olsem em bai no inap lusim yumi- Hibrui 13:5b.

God i ken stiaim yu long mekim disisen bilong yu.

**Mi Pren bilong yu, Laipain**

**Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.**



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing blong bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...
Provinsel De wok kamap strong long ol Provins

Nicky Bernard i raitim
PAPUA Niugini i gat 19-pela provins, NCD i go wantaim na mekim i go 20-pela olgeta. Dispela wanwan provins i gat de bilong long amamas na ol kolim olsem provinsel de bilong ol.

yumi.
Long NCD ol save amamasim de bilong wantaim ol Muto Koita o ol Sentral lain long taim bilong IndependenS, long bikpela Ela Nambis long Pot Mosbi.

Mosbi save go pas long en, ol sumatin bilong wanwan provins save long de bilong ol provins bilong na ol save kamapim wantaim sapot bilong ol bik manmeri bilong provins bilong ol. Tru tru, sapos de bilong provins bilong yu kamap, na yu stap long narapela provins na yu amamasim bai yu ting olsem yu stap pinis long provins bilong yu.

kamap, ol manmeri save putim was tasol long tok-save, nius o notis long harim na lukim wanem provins bai holim provinsel de bilong ol. Bogenvil em

namba wan provins long holim bilong ol, bihain ol Oro provins na long wiken i go pinis ol Niu Ailan bin holim bilong ol.



Ol Bogenvil bilong Rainbow Estet i soim kala bilong ol long Bogenvil De tupela wik i go pinis.
Poto: Nicky Bernard

93FM YUMIFM National Weekly Hit Parade:
Produced & Host by: Kasty
Singles: Talaigu Sople & Poroman Cruz
Week Ending: Saturday - 30th July 2011
Table with columns: Week Before, Last Week, This Week, Charting Song, Artist

EMTV Television Guide

FONDE, JULAI 28 2011
5.00AM G JOYCE MEYER Religious Program
5.30AM G TODAY
DEPARTMENT OF EDUCATION CLASSROOM BROADCAST

(2011 Return) RAIT MUSIK
7.27PM G EMTV TOK SAVE
8.00PM G RAIT MUSIK special time)
9.00PM PG ELITE MUSIC ZONE (special time)

KIDS KONA
3.00PM HI-5
3.30PM PYRAMID
4.00PM THE SHAK
4.30PM KITCHEN WHIZ

6.30PM PG AUSTRALIA'S FUNNIEST HOME VIDEO SHOW
7.30PM G TRI NATIONS RUGBY ALL BLACKS v SPRINGBOKS

the 2011 PNG Big Gun Enduro.
4.00PM G SUNDAY FOOTBALL RABBITOHS v DRAGONS
WIN Stadium, Woolongong
6.00PM G NATIONAL EMTV NEWS
6.30PM PG CUSTOMS (Final)

KIDS KONA
3.00PM G MAGICAL TALES
3.30PM G HI-5
4.00PM G THE PYRAMID
4.30PM G THE SHAK

FRAIDE, JULAI 29 2011
5.00AM G JOYCE MEYER Religious Program
5.30AM G TODAY
DEPARTMENT OF EDUCATION CLASSROOM BROADCAST

SARERE, JULAI 30 2010
4.30PM G MOBIL 1 THE GRID
5.00PM G MIND YOUR BUSINESS
5.30PM G 2011 BIG GUN ENDURO (PREMIERE) It's a first for PNG, it's fun, exciting!

SANDE, JULAI 31 2011
6.29AM STATION OPEN
6.30AM G IT IS WRITTEN
7.00AM G HILLSONG
7.30AM G SUPER RUGBY WARRINGTON WOLVES v WIGAN WARRIORS



TORO



BIABIA



KANAGE



TOKWIN

Kilim dai nating pasin...

Tupela mas i dai nating long Sogeri rot i soim tru nogat rispek long narapela man. Sampela lain bilong Sauten hailen go raun long Sogeri kros pait wantaim ol lain bilong Goilala husat mekim setolmen long hap. Pait i bruk na ol Goilala i kilim dai wanpela man bilong Sauten Hailens. Bekim long en ol wantok bilong dai lain i bung na go painim ol Goilala long siti we ol kisim

nating tupela inosen Goilala man na karim i go long Sogeri we ol i kukim haus bilong ol Goilala na kilim dai inosen man. Dispel kain pasin i soim lo na oda i nogat strong tru long kantri. Gavman mas kirapim bek gen Death Penalti we ol man mas pret long kilim dai man nating.

Bia tasol na polis kar paia...

Tingim, ol polisman i mekim wok bilong ol long pasim ol manmeri long karim bia i go insait long ples we i tambu long dring bia ol salim bia.

Nogat, ol man i kirap na bagara-

pim ol dispela polisman, stilim ol gan bilong na kirap kukim polis kar bilong ol. Tru tumas, i soim nogat rispek long lo na oda stret. Stopim sevis bilong gavman i go long ol. Stopim Balus long noken go long ples bilong ol. Rausim polis stesin, benk, hausik, olgeta sevis bilong gavman. Stopim ol long noken kam long Pot Mosbi. Salim go bek ol lain wantok bilong long ples bilong ol. Ol pulap long Mosbi na wok long bagarapim ples i stap. Yu save husatol lain mi tok long en.

Tokwin Tasol...

Word search grid with letters A-Z arranged in a 15x15 grid.

Word search solutions table with words like AMATA, DRO, NOKAUT, REFERI, FETAWET, etc.

Two 9x9 Sudoku puzzles with some numbers filled in.

A 9x9 Sudoku puzzle with some numbers filled in.

Ansa bilong las wik Sudoku

A 15x15 word search grid with letters A-Z.

Ansa bilong las wik Pasol

EMTV Television Guide

teaches to change sets and empower people to lead and impact every sphere of life. 11.00PM G NATIONAL EMTV NEWS REPLAY 11.00PM G NATIONAL EMTV NEWS REPLAY 11.30PM AUSTRALIA NETWORK

4.30PM G THE SHAK 5.00PM G KITCHEN WHIZ (NEW) 5.29PM G EMTV NEWS UPDATE 5.30PM G MILLIONAIRE HOT SEAT 6:00PM G NATIONAL EMTV NEWS 7.00PM G TOK PIKSA 7.27PM EMTV TOK SAVE 7.30PM G MONDAY NIGHT FOOTBALL: EELS v STORM

1.50 - 2.30PM GRADE 6 SCIENCE 2.30 - 3.00PM DEPI PROGRAMME 12.00PM EMTV MIDDAY NEWS 3.00PM G MAGICAL TALES 3.30PM G HI-5 4.00PM G THE PYRAMID 4.30PM G THE SHAK 4.29PM G EMTV NEWS UPDATE 5.30PM G MILLIONAIRE HOT SEAT 6:00PM G NATIONAL EMTV NEWS 6.30PM G A CURRENT AFFAIR 7.00PM G HAUS & HOME 7.57PM EMTV TOK SAVE 8.00PM PG RPA: WHERE ARE THEY NOW - RPA follows up various patients from over the years to check their progress.

DEPARTMENT OF EDUCATION CLASSROOM BROADCAST 9.00 - 9.40AM GRADE 7 MATHEMATICS 9.50 - 10.30AM GRADE 7 SCIENCE 10.40 - 11.15AM GRADE 8 MATHEMATICS 11.20 - 12.00PM GRADE 8 SCIENCE 12.30PM EMTV MIDDAY NEWS DEPT OF EDUCATION CLASSROOM BROADCAST CONTINUES.... 1.00 - 1.40PM GRADE 6 MATHEMATICS 1.50 - 2.30PM GRADE 6 SCIENCE 2.30 - 3.00PM DEPI PROGRAMME 2.59PM STATION OPEN KIDS KONA 4.57PM EMTV TOK SAVE 5.00PM G MILLIONAIRE HOT SEAT 5.55PM G CRIME STOPPERS 6:00PM G NATIONAL EMTV NEWS 7.00PM PG THE WORLD AROUND US: IN THEIR FOOTSTEPS: George Hannaford - Western Front, WWI Join Kristy on her first major overseas trip as she brings the missing pieces of her family's history back to life and tries to understand what it meant to serve amid the mud and mayhem of the Western Front; as

she follows in her Great Grandfather, Private George Hannaford's footsteps. 8.00PM PG SURVIVOR: REDEMPTION ISLAND 9.00PM M WEDNESDAY NIGHT MOVIE: REAL WOMEN HAVE CURVES - 2002 Comedy/Drama - Coming of Age of a first generation Latina (Ferrera) who struggles to balance her family's culture where she is expected to work in her sister's dress warehouse, find a husband and have children, and her dreams of a college education. Along the way she discovers to appreciate her two cultures, American and Hispanic, and the people from each of them. Stars: America Ferrera, Brian Sites. 11.00PM G A CURRENT AFFAIR 11.45PM G NATIONAL EMTV NEWS REPLAY 1.00AM AUSTRALIA NETWORK

Ol Progam na Kilok i ken senis oltaim...



# GLASIM RAMU NICO PROJEK

"Wanpela Ramu Nico, Wanpela Komuniti"



# Kot tok orait long DSTP bai go het

**NESENEL** Kot long Madang long Tunde dispela wik i givim tok orait long Deep Sea Tailing Placement System (DSTP) long Basamuk rifaineri bilong Ramu NiCo Projek i mas go het.

DSTP em wanpla rot we Ramu NiCo Projek bai yusim long putim pipia bilong main go aninit long solwara bihain long em i daunim posin bilong pipia.

Dispela tok orait nau i givim signal long Ramu NiCo Management (MCC) Ltd bai go het wantaim komisinin na wok main klostu.

Dispela tok orait tu em nau gutpela nius bilong ol papagraun long Basamuk rifaineri, Kurumbukari main, Coastal Paiplain na Inland Paiplain bai lukim ol gutpela benefit i kamap taim main i kamap gut na wokim mani.

Dispela tok orait long kot tu i gutpela nius long Madang Provinsal Gavman na Nesanel Gavman bilong wanem Ramu NiCo projek bai kontribut long sait bilong ekonomi bilong provins na kantri. Long bikpela piksa, dispela tok orait nau em i gutpela nius bilong kantri we bin wait longpela taim long lukim Ramu NiCo main i go insait long wok maining na bringim benefit long ol stekholdas na kantri.

Ol plentif husat i tok olsem ol i papagraun i bin traim long kisim kot oda long stopim wok DSTP kamap bilong wanem ol i bilip olsem dispela bai bagarapim nambis, solwara na graun long Basamuk na ol narapela nambis bilong Madang.

Tasol Judge Cannings i givim oda olsem, "dispela injunction kot i putim long mun Oktoba 22, 2010 i stopim DSTP em i rausim," na Ramu NiCo I mas go het nau wantaim DSTP.

Judge Cannings i tokaut olsem Ramu NiCo i bihainim stret dispela Environment Act or loa na i bin stat long wok kamapim DSTP. Tasol jas i tokaut stret olsem displa DSTP i ken bagarapim busgraun na wara, tasol kampani i mas wok wantaim bikpela save long abrusim ol kankain birua na mas toksave long ol papagraun insait long wanwan taim long 3-pela mun.

Oda we i stopim Ramu NiCo long Kamapim DSTP i bin stat long



**REDI:** Basamuk refinari we DSTP bai kamapa

March 2010 na i bin kostim kampani bikpela mani. Na tu i bin stopim kampani long wok bilong em we i ken bringim bikpela ol benefit i go long papagraun.

Bihain long dispela disisen, Ramu NiCo i tokaut olsem nau bai kampani i go insait long wok komisening, o reri long main na stat wok maining aninit long gutpela we bihainim intanesenel stendat praktis bilong DSTP long abrusim ol birua bilong environment.

Minista bilong Maining, John Pundari i tok welkam long dispela gutpela nius na i tok kampani i ken nau wokim maining na kisim moa benefit i kam long kantri.

Em i tok displa kot i bin kisim longpela taim tasol kain disisen nau i givim gavman bilong PNG strongpela tingting long wok maining i mas go het.

Mista Pundari i givim strong tok-save tu i go long ol plaintiff husat i bin kisim kampani na gavman i go long kot olsem as tingting bilong ol em gavman i save na bai wokbung wantaim long daunim ol kain birua long busgraun na wara we ol i ting

bai kamap.

Em i tok long soim kain komitmen bilong gavman, i no long taim i go pinis, gavman i bin salim strongpela team bilong saintis long Scottish Association for Marine Science (SAMS) long glasim na sekim envairomen na ripot long gavman.

Minista i tok gavman i askim SAMS bilong wanem ol i laik soim stret olsem kain birua bilong envairomen i noken kamap taim DSTP i wok pinis.

Taim kot i tokaut long disisen, em i tok strong olsem kampani i mas ripot wanpela taim insait long tripela mun long ripot bilong envairomen i go long ol plentif. Kain wok olsem SAMS i wokim bai halivim ol papagraun na plentif long save wanem kain birua i kamap.

Long dispela disisen, Justice Canning i luk save olsem DSTP bai kamapim sampela birua long nambis na solwara na tu bai kamapim meknais long sindaun bilong ol pipel. Tasol bikpela as tingting em i tok sapos Ramu NiCo projek i klos bai kantri karim hevi

na tu ol papagraun bai bagarap na nogat benefit o developmen i kamap. Em i tok kain kontribusen Ramu NiCo projek bai mekim i go long ol pipel na kantri em bikpela tumas.

Jas i luksave tu olsem sapos dispela kot ol i bin kamapim pastaim bai disisen bai narakain liklik, tasol konstraksen wok i bin kamap pinis ananit long gutpela bihainim bilong Environment Act na bikpela mani em kampani i lusim pinis na kot i nonap stopim DSTP.

Tasol em o tokaut olsem sapos envairomen i bagarap taim DSTP i wok, orait ol plentif i ken kotim kampani gen sapos ol i laik.

Tasol long taim bilong kot, Ramu NiCo Menesmen i bin tok stret olsem DSTP na kain save na teknoloji kampani bai yusim i no nap kamapim sampla birua i kamap long solwara na nambis bilong ol pipel.

DSTP em wanpela bikpela hap bilong Ramu NiCo projek we bai halivim stret main i kamap gut. I gat ol narapla wei bilong tromoi rabis bilong main olsem insait long traipela hul bilong graun or tenk.

Tasol ol bikpela saveman bilong Ramu i painim olsem Ramu NiCo luksave olsem dispela i bai kamapim bikpela birua long envairomen. Olsem na kampani i bin kisim tok orait long gavman long yusim DSTP we i seif tru.

Long wankain taim, kampani i gat bikpela bilip bihain long wok painimaut olsem dispela pipia bilong main o nogat posin na bai nonap kamapim birua or poisinim solwara na ol animal bilong solwara.

Ramu NiCo i bin wokim bikpela ol wok konstraksen long 2008. I kam inap Disemba 31 2011, Ramu NiCo I spendim US\$1.3 billion arasait long totol developmen mani mak long US \$1.4 billion.

Projek nau stap long pinis na arere bilong wok konstraksen na i stap sambai tasol long wok maining klostu tru.

**■ Ritim gen next wik nambawan Tok Pisin niuspepa bilong you, Wantok Niuspepa, long save moa long Ramu NiCo Projek we i kamap insait long Madang Provins.**

## RAMU NICO Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisininim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisnin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

**Ol dispela namba i soim klia mak bilong wok mipela i pinisim:**

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**Wanpela Ramu NiCo, Wanpela Komuniti**

# Kapris givim K10 milien long Wimen in Bisnis

Paul Fuzo i raitim

**MEMBA bilong Maprik na Komes na Industri Minista, Gabriel Kapris, las wik Fonde i bin givim K10, 000 manimak long sapotim ol mama husat i laik go insait long kamapim ol liklik bisnis aninit long Wimen in Bisnis maikro-fainens skim.**

Moa long 500 mama i bin kamap long lonsim bilong Wimen In Bisnis long Maprik taun.

Ol meri i bin amamas tru long kamap long dispela lonsim bikos dispela skim em bai helpim ol tru long ol liklik wok bisnis we ol bikpela benk i no inap givim mani olsem lon o dinau we ol i ken kisim long sapotim ol liklik bisnis bilong ol.

Insait long toktok bilong Mista Kapris, em i tok Nesene Eksekutiv Kaunsil i

bin wokim disisen we i pas wantaim Midium Tem Developmen Strateji na Vision 2050 long kamapim welt o mani sindaun na ikwel jenda patisipesen, o wankain luksave long ol meri, long kamapim wok, daunim pasin turangu, na strongim ekonomik groa insait long kantri.

Em i tok gavman i mekim gutpela tingting long strongim ol meri insait long kantri long i gat mani we ol i ken helpim long groa na senisim kantri.

Presiden bilong PNG Wimen in Bisnis (PNG-WiB), Janet Sape, i givim strongpela tok i go long ol meri long yusim gut dispela skim we bai sanap insait long Maprik na Wewak.

Em i tok dispela kredit skim bai givim bilip long ol investa, na i singaut strong long wokbung na

sapot i mask am long olgeta husat bai stap insait long dispela maikro fainens skim.

Misis Sape i askim tu olsem K10 milian insait long dispela K10 milian i mas go long ol meri long Sepik stret.

Lonsim program long Maprik i bin pinis gut, tasol planti meri husat i bin kamap long dispela lonsim i no amamas tumas long wok bilong ol oge-naising komiti long Maprik, bilong wane mol i bin westim bikpela mani long poket nab aim rot, haus slip, na kaikai, tasol sampela ples slip bilong ol i nogat toilet na wara bilong waswas na kuk kaikai. Dispela i bin kamapim kros namel long ol lida meri bilong ol arapela provins na tu, namel long lida meri bilong Wewak distrik Jill Garong, na lida meri bilong Maprik, Antonia Gupa.



**GO PAS:** Ol meri Maprik i wokabout mas i go pas long bikpela bung bilong ol.  
**Ol Poto:** Paul Fuzo

**BILAS:**(Daunbilo) Presiden bilong Wimen in Bisnis Janet Sape i kisim bilas bilong ol meri Sepik wara.



# Aulimbit ples opim haus tambaran

Paul Fuzo i raitim

**AULIMBIT** ples insait long Kambu lokol level gavman eria bilong Is Sepik Provins, i opim nupela haus boi bilong ol tupela wik i go pinis, we i bin lukim tupela de bilong singsing na amamas.

Provinsal advaisa bilong kalsa na turisim, Terence Moka, i bin kisim bikpela welkam wantaim singsing tumbuna taim em i kamap long ples Aulimbit.

Man husat i makim Aulimbit komyuniti long givim welkam toktok, Joseph Wekapu, i tokim

Mista Moka olsem, "kalsa na tumbuna laipstail bilong pipel bilong Aulimbit i ken helpim wok developmen bilong turisim insait long provins na pipel i amamas long opis bilong kalsa long provins i soim laik long kalsa bilong ol, we dispela i soim kamap bilong yu, Mista Moka long opisal opim Spirit Haus bilong Aulimbit pipel," em tok.

Mista Wekapu i tok, Aulimbit ples i kamapim pinis tenpela yia progrem bilong developim, lukautim, na raitim ol tumbuna stori bilong ol.

Mista Wekapu i sore

long tokaut olsem i nogat moa ol tumbuna o historikal samting nau i stap insait long ol spirit haus bilong ol, dispela em bikos long 1965, bihain tasol long las inisiesen seremoni bilong ol meri, Pater bilong Torembi peris, Pater Koupina, i bin tokim ol pipel bilong Aulimbit long kukim olgeta tumbuna samting bilong Haus boi. Pater Koupina i tokim ol Aulimbit pipel olsem ole m sanguma lain na ol i adorim ol spirit nogut. Na long 1967, olgeta laspela samting insait long haus boi em ol pipel i bin digim bikpela hul long graun na

planim. Mista Wekapu i tok, ples Aulimbit em i bilip na pasin bilong kalsa na pasin tumbuna, olsem na ol i laik kirapim bek ol bilip na pasin olsem inisiesen seremoni, ol kaving, at na wiving.

"Nau ol yangpela bai bihainim tasol ol tumbuna stori na bilip na bai kamapim bek ol samting we i lus pinis. Mipela laik kirapim bek ol tumbuna samting bilong bipo.

"Namba wan samting em bildim na strongim bek kastom bilong Haus Boi." Mista Wekapu i tok.

Em i tok em i bilip bihain long 5-pela yia taim long

yia 2020, pipel bilong Aulimbit bai kamapim bek piksa bilong tumbuna pasin bilong ol.

Em i givim bikpela tok tenkyu long advaisa bilong kalsa na turisim na Is Sepik Administresen, Terence Moka long kamap long opim Yakusimbi Haus Boi bilong ples Aulimbit. Mista Moka long soim sapot bilong Is Sepik Provinsal Administrasen aninit long opis bilong kalsa na turisim i tokaut na wokim komitmen olsem Aulimbit ples bai makim Is Sepik Provins long stap insait long 2012 Mask Festival long Rabaul.



## Tanga Ailan kisim helpim long NGCB bilong yam festival

**TANGA** Ailan long Nu Ailan provins kisim helpim i kam long Natinal Gaming Control Board long helpim ol holim namba tri yia yam festival.

Dispela helpim kam bihain long ol komiti bilong dispela festival i salim pas go long NGCB long helpim ol ronim dispela festival na Kalsa i kam gut.

Dispela yia em bai namba tri yia ol pipel bilong Tanga Ailan i kamapim yam festival na

tu ol i kamapim kalsa so tu bai go insait wantaim long mekim i go bikpela na strong kalsa bilong ol i mass tap strong.

Dispela yam festival na kalsa so bai ron long foapela de olgeta na 120 ol liklik ples klostu long Tanga Ailan bai go resis long dispela festival na kalsa so.

Ol komiti bilong dispela festival i salim askim go pinis long ol memba na gavana bilong wantaim tu


Dr Jacob Simet, bilong Nesinal Kalsa Komisin.

*Long poto, mausman bilong ol komiti long Tanga Ailan, Cletus Nafkin i kisim sek mani kam long bosman National Gaming Control Board (NGCB) Lenard Loma, taim Cletus i mekim pasin bilong Tanga Ailan long givim basket wantaim yam long tok tenkyu.*

**Poto na Stori :**  
**Nicky Bernard**



OTML tim kodineta lojistiks plpening, Doug Sanderson (left) i givim ol yunifom we Victory Football Club bilong Melbourne i givim i go long Presiden bilong Tabubil Soccer Association, James So-on. POTO: Mackhenly Kaiok/ OTML Public Relations.



KISIM BAL: Vipers fulbek, Joshua Abavu i kisim bal long wanpela kik long gem bilong ol agensim Gurias long Mosbi long raun 11 dispela yia, em i wanpela strongpela pilaia bilong husat i helim gut tim dispela sisen. POTO: Andrew Molen.



PAITMERI: Carolyn Oata (raithan) i trening kikkboksing wantaim Alfred Samuel long NCD kikkboksing skul long Trinde dispela wik. Em i soim olsem ol meri tu inap long trening kikkboksing na pait kikkboksing. POTO: Andrew Molen.



TROMOI: Wanpela pilaia bilong Digicel i laik tromoi bal long poro bilong em long tas ragbi gem bilong ol long Mosbi insait long ol semi fainol resis bilong Mosbi kopret tas futbol. POTO: Andrew Molen.



LAP TASOL: Ian Nakmai em wanpela bilong ol PNG swima husat bai makim kantri long Pasifik Gems long Nu Kaledonia long mun i kam. Nakmai bung wantaim ol arapela etlit long Mosbi taim ol i kisim toksave long nupela sponsa bilong tim PNG long las wik. POTO: Andre

**TOKSAVE:** Salim ol spots dro bilong yu kam long Feks; 325 2579, e-mel; [amolen@wantok.com.pg](mailto:amolen@wantok.com.pg) o kam lusim long Wantok Niuspepa opis long Central Waigani, NCD.



**WILWIL:** Bihain long wara, ol pilaia bai go stret long wilwil.



**TROMOI LEK:** Laspela hap bilong resis em long ron.



**WARA RESIS:** Namba wan hap bilong resis em long swim.

# Gem bilong ol ain man

**Andrew Molen i raitim**



I GAT planti gem i save kamap we yumi save tok olsem ol i strongpela gem tru we o lain man o meri save pilai.

Sampela bilong ol gem i olsem ragbi yunion na lig, boksing na kiboksing, na ol arapela strongpela gem olsem.

Tasol i gat wanpela gem i stap we em i gem tru bilong ol ain man na meri.

Ol i no save takol, pait, bam o brukim na bagarapim ol arapela pilaia, tasol pen na hatwok bilong dispela resis em i bikpela tru.

Em i spot we i save givim bikpela salens na i testim tru strong bilong tingting na bodi bilong ol lain husat i save pilaim.

Long dispela as, ol i save kolim dispela gem tu olsem gem bilong ol ainman.

## Histri bilong gem

Traietlon i bin stat long Mission Bay long San Diego long Amerika long September 25, 1974.

Tupela man husat i bin kamapim dispela resis em Jack Johnstone na Don Shanahan, na San Diego Track Club i bin sponsaim dispela namba wan resis.

Ol i bin kamapim bihain long ol i save bung na trening wantaim ol poro bilong ol.

Wanwan bilong ol i save ron, sampela i swim na sampela i save resis long wilwil.

Ol i bungim dispela olgeta spot long

kamapim wanpela gem tasol ol i kolim traitlon.

Insait long dispela ol trening ol i save kamapim ol resis pilai bilong ol yet na i no long taim tingting bilong kamapim wanpela resis tru i kamap.

46 etlit i bin stap insait long dispela resis taim em i kamap namba wan taim tru.

Traietlon nau i save kamap long planti ples olsem, Amerika, Australia na ol arapela kantri we i gat gutpela solwara na nambis bilong wanem hap bilong dispela resis i save go insait long solwara tu.

Namba wan taim tru bilong traitlon long go insait long Sama (Summer) Olimpik Gems em long yia 2000 long Sydney, Australia.

Nau, em i save kamap long olgeta Olimpik Gems.

48 meri na 52 man i bin stap insait long dispela resis long Sydney.

Long 2004, 50 man na 50 meri bin resis na long 2008 long Beijing, ol i apim i go long 55 man na 55 meri.

## Stail bilong pilai

I gat tripela kain gem i stap insait long wanpela traitlon resis.

Ol pilaia bai resis long swim long sol-

wara, ron long graun na resis long wilwil long lukim husat bai pinisim resis pas.

Wanwan pilaia bai ron, swim na ronim wilwil insait long dispela wanpela resis tasol.

I gat resis bilong ol man na bilong ol meri yet.

Longpela bilong wanwan resis insait long traitlon em, ron 1.5km swim, 40km wilwil resis na 10km ron.

Dispela em ol mak we planti ol traitlon resis i save bihainim tasol sampela i save senisim liklik tu.

Ol pilaia bai stat wantaim swim resis we i save kamap insait long solwara.

Taim ol i kamap long pinis mak bilong swim, ol bai senis na kalap long wilwil hariap tru na statim namba tu hap bilong resis.

Long pinis mak bilong wilwil resis, ol bai lusim wilwil na stat ron long lek i go long pinis mak.

International Triathlon Union (ITU) i save lukautim olgeta resis na ron bilong traitlon.

## Ol samting bilong pilai

Long mekim ol pilaia i pilim gut insait long dispela longpela na bikpela resis, ol i mas i gat ol gutpela samting bilong pilai na klos bilong werim insait long dispela resis.

Long swim, ol i save putim longpela klos bilong wara we i save karampim gut tru bodi bilong ol, aiglas bilong wara na tu karamap bilong het.

Taim ol i kamaut long wara, ol i save

rausim dispela ol klos na putim su, sotpela trasis na siot, ai glas bilong san, karamap bilong het na kalap long strongpela wilwil bilong resis na i go.

Long pinis bilong wilwil resis, ol i save putim su bilong ron, rausim karamap bilong het na statim ron bilong ol i go long pinis mak.

Yu yet i ken lukim olsem dispela i no wanpela isi resis na yu mas wanpela strongpela man o meri na tu kisim planti trening na gutpela kaikai long redim yu gut long stap insait long en.

I gat wanpela traitlon asosiesen i stap long Papua Niugini tasol i nogat planti resis tumas i save kamap olgeta taim.

Sepik Ironman (ainman) resis em wanpela traitlon resis tasol ol i bin senisim liklik we i lukim tripela pilaia i save stap insait long wanpela tim.

Wanpela pilaia bai resis long wara, narapela long wilwil na narapela bai ron long rot.

Long traitlon tru em wanpela man tasol bai mekim dispela tripela samting inap long pinis bilong resis.

Tasol dispela Sepik Ironman resis i soim olsem ol PNG manmeri dat laik long lukim na stap insait long dispela kain resis tu na em i gat sans long kamap strong long hia sapos ol i kamapim na ronim gut olgeta yia.

Em i wanpela Olimpik spot tu olsem na em i ken givim sans long sampela ol ainman na meri bilong PNG long makim kantri long dispela bikpela tonamen tu.

# Civoniceva bai go bek long Broncos

KEPTEN bilong Penrith Panthers, Petero Civoniceva, bai go bek long Brisbane Broncos long 2012.

Civoniceva, 35 krismas, bai pilai wanpela moa yia wantaim klap we gem bilong em i stat long en bihain long kontrak bilong em wantaim ol Panthers i pinis dispela yia.

Em i sainim pinis wanpela nu-pela kontrak wantaim ol Broncos we i gat bilip em bai pinisim gem bilong em long hap we em i bin stat long en.

Civoniceva i bin bung wantaim Jenerel Menesa bilong Panthers, Phil Gould, las wik na i tok em i gat laik long go bek long Brisbane long stap klostu long femili bilong em.

Gould i tok ol i luksave long hevi na tingting bilong Civoniceva na i no inap pasim em.

"Em i mekim gutpela samting tru bilong ol Panthers.

"Em i givim bikpela sevis long klap, komyuniti na tu i wanpela gutpela lida bilong tim bilong mipela, em bai go tasol piksa na mak bilong hatwok bilong em bai stap longpela taim bihain," Gould i tok.

Dispela em i namba 4 yia bilong Civoniceva long Penrith bihain long em i bin lusim ol Broncos long pinis bilong 2007 sisen.

Ol Broncos tu i amamas long kisim wanpela bipo pilaia bilong ol i go bek long ples.

Klap i bilip, Civoniceva bai kisim gutpela pasin bilong em olsem lida i go bek long klap bihain long kepten bilong ol, Darren Lockyer, i pinis pilai dispela yia.

"Em i gat planti eksperiens na dispela em i bikpela samting long klap," Broncos kosa, Anthony Grif-

fin, i tok.

"Tasol bikpela samting tru we em bai kisim i kam bek long mipela em pasin olsem lida na ek-



**GO BEK LONG PLES:** Civoniceva bai kisim eksperiens na lidasip bilong em i go bek long Broncos.

spiriens na save bilong em insait na autsait long pilai graun.

"Dispela bai gutpela tru long lukautim na strong planti ol yangpela we mipela i gat long klap nau," Griffin i tok.

Civoniceva i pilai 45 tes bilong

Australia na 30 gem bilong Queensland long Stet ov Orijin.

Sif ekskyutiv opisa bilong Broncos, Paul White, i tok Civoniceva em i wanpela nambawan fowet insait long gem na em i gutpela long em i go bek long pilai wantaim ol.

# Panthers bai yusim Seijka

HARRY Seijka bai pilaim namba wan NRL gem bilong em wantaim Penrith taim ol i bungim North Queensland Cowboys dispela Sarere.

Tasol kosa, Steve Georgallis, i gat bilip em bai nap long kamapim wanpela strongpela gem bilong tim bilong em.

Seijka i soim gutpela pinis long ol junia divisen bilong Panthers we em i save pilai bipo na dispela Sarere bai em i werim namba 6 jesi long ples bilong Travis Burns husat i brukim han na

bai no inap pilai 4-pela wik. Burns i kisim operesen long Trinde dispela wik tasol long wankain taim, fulbek, Lachlan Coote tu i no inap pilai bilong wanem skru bilong fut bilong em i bagarap.

Dispela i mekim Coote bai no inap pilai wanpela mun.

Long dispela as, Seijka em man ol i lukluk long em long traim na holim tim gut insait long gem taim dispela tupela pilaia i no stap.

David Simmons bai kisim ples bilong Coote.



**BIKPELA WOK:** Seijka bai kisim ples bilong Burns.

## NRL Dro Raun 21

Fraide, Julai 29

**Broncos V<sup>s</sup> Sharks**  
Suncorp Stadium

**Eagles V<sup>s</sup> Tigers**  
Bluetongue

Sarare, Julai 30

**Roosters V<sup>s</sup> Bulldogs**  
SFS

**Cowboys V<sup>s</sup> Panthes**  
Dairy Farmers

Sande, Julai 31

**Knights V<sup>s</sup> Titans**  
Energy Australia

**Warriors V<sup>s</sup> Raiders**  
Mt Smart

**Dragons V<sup>s</sup> Rabbitohs**  
WIN Stadium

Mande, Ogas 1

**Eels V<sup>s</sup> Storm**  
Parramatta Stadium

## NRL Poin leda bihain long Raun 20

Pos	Club	P	Pts	W	D	L	B	F	A	+/-
1	Storm	18	34	15	0	3	2	413	204	209
2	Sea Eagles	18	32	14	0	4	2	410	251	159
3	Dragons	18	29	12	1	5	2	369	229	140
4	Cowboys	18	28	12	0	6	2	422	350	72
5	Broncos	18	28	12	0	6	2	344	294	50
6	Warriors	18	24	10	0	8	2	369	306	63
7	WTigers	18	22	9	0	9	2	357	342	15
8	Knights	18	22	9	0	9	2	308	313	-5
9	Panthers	18	20	8	0	10	2	345	353	-8
10	Bulldogs	18	20	8	0	10	2	304	368	-64
11	Sharks	18	18	7	0	11	2	317	378	-61
12	Rabbitohs	18	18	7	0	11	2	334	428	-94
13	Raiders	18	16	6	0	12	2	329	426	-97
14	Eels	18	15	5	1	12	2	285	378	-93
15	Roosters	18	14	5	0	13	2	268	379	-111
16	Titans	18	12	4	0	14	2	259	434	-175

# Wanpela moa yia bipo long Olimpiks

LONG Trinde dispela wik, i bin makim wanpela moa yia bipo long 2012 Olimpik Gems i kamap long London long Inglen (England).

Ol i makim dispela de wantaim sampela bung na pilai na tu ol i opim stedium bilong swim o akwatik senta (aquatic centre).

Mama stedium tru i no pinis yet tasol ol toktok i kam long ogenaising komiti olsem olgeta wok redi bilong ol i ron gut tasol na olgeta samting bai pinis na redi bipo long ol gem i stat.

London i bin winim tok orait long 2005 long holim dispela gem long hap wantaim astingting long givim moa luksave na sapot long ol etlit na tu strongim ol yangpela long kamapim planti gutpela senis bilong lukautim na developim kantri bilong ol.

Nau, i luk olsem, dispela ol tingting bilong ol i wok long kamap.

Sampela samting we i kamap pinis em, ol i salim 3.5milien tiket pinis, moa long 250, 000 manmeri givim nem long kamap voluntia na wok long gem na ol i makim pinis tu rot bilong Olimpik tos rile long bihainim.

Presiden bilong International Olympic Committee, Jacques Rogge, i soim na tokaut long ol medol bilong gem na tu i salim tok i go long olgeta pilaia bilong wol long kam long gem.

"London 2012, nau i stap long gutpela ples bilong kamapim gutpela na strongpela gem na tu long givim gutpela luksave na bilip i go bek long ol manmeri bilong Briten," Rogge i tok.



NAU NA BIHAIN: Piksa i soim wok i kamap yet long mama stedium bilong 2012 Olimpiks na piksa bilong em bai luk olsem wanem bihain taim. FOTO: LONDON 2012.



# Makim kantri em bikpela samting



SANAP: Koime i soim ol Pasifik Gems medol bilong em na givim toktok long strongim ol PNG etlit. FOTO: Andrew Molen.

## Andrew Molen i raitim

I NOGAT wanpela samting i bikpela moa long dispela amamas bilong makim kantri bilong yu.

Dispela em toktok namba wan ron meri bilong Papua Niugini, Mae Koime, i givim long ol arapela pilaia bilong kantri.

Em i toktok taim ol i kamap long wanpela bung las wik Trinde long Mosbi long tokaut bilong nupela spona bilong PNG tim i go long Pasifik Gems long Mun i kam.

"Long makim kantri bilong yu long Pasifik Gems em i olsem dritman bilong yu i kamap tru.

"Bai yu pilim olsem nogat wanpela samting inap long stopim yu na yu bai laik pilai long win tasol," Koime i tok.

Em i tok planti ol arapela Pasifik kantri tu bai stap long dispela tonamen na em i gutpela taim bilong soim ol long ol strong na save bilong yu long wanwan spot bilong yu.

"Ol bai luksave long yu na yu tu bai luksave long ol," em i tok.

PNG volibol pilaia bilong ol meri, Josie Dick, i amamas long sapot bilong Koime na i tok em i redi long go long Pasifik Gems na em i laik winim wanpela medol bilong kantri.

Rana, Nelson Stone, swima, lan Nakmai na ragbi sevens pilaia, Chris Kakah tu i tok ol i trening strong na i redi tasol long go pilai long hap.

Koime i tok ol pilaia i noken wari o tingting tumas tasol i mas bilip long ol yet na trening bilong ol.

"Tingting tasol long pilai strong stret wantaim olgeta lewa na tingting bilong yu," em i tok.

Koime yet i no stap insait long dispela tim bilong wanem em i gat nupela bebi na i kisim malolo long lukautim em pastaim.

"Mi no pinis long ron yet, mi gat bebi olsem na mi malolo pastaim, bihain bai mi kam bek na trening gen," em i tok.

## DIANA

**Now Bigger at 425g**

- ✓ Wankain Teist
- ✓ Wankain Prais
- ✓ Plenti Mit



Proudly **PNG MADE**  
 Manufactured by **RD Tuna Cannery Limited**



**Niupela piksa tasol wankain mit**



# Broncos bai werim PNG kala

## Soim sapot long putim NRL tim

**Andrew Molen**  
i raitim

long NRL long 2015.

Long nau yet, mak bilong PNG NRL Bid komiti pas long trasis bilong ol Broncos.

Tumora nait, bai ol i werim soks bilong PNG na pilai agensim Cronulla Sharks, na ol i makim dispela gem tu olsem "PNG de" salens.

PNG Spots minista na siaman bilong PNG NRL Bid, Philemon, i tok dispela wokbung bilong ol na Broncos em i gutpela bilong wanem ol i ken lainim planti samt-

ing long kain bikpela tim olsem.

"Ragbi lig em i mama spot bilong Papua Niugini, ol i save pilai long olgeta hap na em bai gutpela long lukim ol i putim wanpela tim i go insait long NRL," CEO bilong PNG NRL Bid, Brad Tassle i tok.

Em i bilip olsem PNG i givim bikpela salens long traim na winim tok orait bilong putim tim long NRL na dispela kain wokbung i ken helpim wok bilong ol tu.

**WANPELA sempion klap bilong NRL resis long Australia bai werim soks i gat nesanel kala bilong Papua Niugini, blek, yelo na red, long en.**

Ol Broncos bai mekim dispela long soim sapot bilong ol long wok bilong PNG long traim na putim wanpela PNG tim insait

**PNG KALA: Broncos fowet, Sam Thaiday i werim yunifom wantaim PNG kala soks ol bai werim long Fraide nait gem.**

**Koime strongim ol PNG etlit - Pes 27.**

**Civoniceva bai go bek long Broncos - Pes 26.**

**NISSAN NAVARA D22**  
2WD/4WD Single Cab Utility

**DRIVE AWAY**

NISSAN SHIFT the way you move



**BOROKO MOTORS**

PORT MORESBY	☎	325 5255
LAE	☎	472 1144
MT HAGEN	☎	542 1933
TABUBIL	☎	649 9048
KIMBE	☎	983 5035
MADANG	☎	422 2659
KOKOPO	☎	982 8193
GOROKA	☎	532 3552

Email: info@borokomotors.com.pg  
 Website: www.boroko-motors.com

➔ AM/FM Radio Cassette

➔ 2 Wheel Drive 2.7 Litre Diesel

➔ 4 Wheel Drive 3.2 Litre Diesel